

ახალი კვალა

ყოველ-კვირული სამეცნიერო საპოლიტ. და სალიტერ. ჟურნალი.

№ 5 ორგანო ახალგაზრდა მარქსისტთა ორგანიზაციებისა. № 5

შინაარსი: 1) ბალშევიკების ზავი.—ვ. ნიკურაძე. 2) პროლეტარიატის ისტორიული მისია.—მ. ხუნდაძე. 3- მოწოდება (ლექსი).—გენო. 4) გლეხი და პროლეტარი.—ა.—ი. 5) ჩვენი სალამი (ლექსი)—ახალგ. მუშა ვ მაისურაძე. 6) თანამედროვე კაპიტ. განვითარების ფორმები და სოციალიზმი.—გ. ნინოშვილი. 7) კოოპერაცია და ქართველი სოც.-ფედერალისტები.—ს. მიხელიძე. 8) „ახალ კვალს“.—ს. პარტენაშვილი. 9) ამ.-კავკ. ახალგ. მარქსისტთა ორგან. კონფერენცია (ანგარიშები). 10) ახალგაზრდა მარქსისტთა შორის (კორესპ.), 11) შემოწირულება და სხვა.

4 906



აკ. ჩხეიძელი.



მს. ბაგდასარი.





ბალშევიკების ზავი.

ბალშევიკებს თავიდანვე არ მოსწონდათ დროებით მთავრობის საზავო პოლიტიკა. მათ იმპერიალისტებთან, ომის მომხრეებთან მონათლეს ისინი, ვინც თავდაცვის თვალსაზრისზე იდგა და საკუთარი ფიზიკური ძალა საჭიროთ და აუცილებლათ მიიჩნდა, სანამ გერმანიის ბატონობა დასრულდებოდა სხვისი მიწა-წყლის შემოერთების სურვილით გატაცებული ჰოგენცოლოგურები. 14 მარტის ყველა ხალხისადმი მიმართვაში აშკარათ და გარკვევით იყო ნათქვამი, ჩვენ მზათ ვართ ჩამოვადლოთ ზავი უანექსიო, უკონტრიბუციო, ერთა თვითგამორკვევის პრინციპზე დამყარებული; მაგრამ სანამ ასეთ ზავზე თანხმობას არ აღიარებენ მებრძოლ სახელმწიფოთა იმპერიალისტები, ჩვენ განვადგობთ თავდაცვას, არც ერთი ჯარისკაცი იარაღს არ დაყრის და ფრონტს არ მიატოვებსო.

ჩვენ ბევრში არ ვიზიარებთ დროებით მთავრობის პოლიტიკას, მაგრამ უნდა ვაღიაროთ, რომ ზავის საკითხში დროებით მთავრობის პოზიცია, რომელიც ხსენებულ მიმართვაში იყო გამოხატული, სწორი აღმოჩნდა, ვინაიდან მას ცივი განებით ნაკარნახევი, სინამდვილეზე აგებული შეხედულება ეძღვა საფუძვლათ.

ბალშევიკებმა კი თავის საგარეო პოლიტიკას სურვილი დაუდევს სარჩულათ. ომი იმპერიალისტურია, მშრომელი მისისათვის მას არავითარი სარგებლობა არ მოაქვს გარდა საუკუნოების განმავლობაში შექმნილი კულტურისა და ხალხთა ფიზიკურ არსებობის განადგურებისა. ცხადია ომი უნდა მოისპოს და უნდა მოისპოს რაც შეიძლება დაჩქარებითა — ამობადნენ ბალშევიკები. დემოკრატიულ პრინციპებზე აგებულ ზავის დაუყონებლივ ჩამოვადების საჭიროებას ყველა გრძნობდა, ყველას სურდა. მაგრამ მარტო სურვილი ვერ გადასჭირდა ომისა და ზავის საკითხს. ეს ყველა სიღათ მოაზროვნე პოლიტიკოსისათვის, განსაკუთრებით მეცნიერული სოციალიზმის მიმდევართათვის აშკარა უნდა ყოფილიყო.

ბალშევიკებს ავიწყდებოდათ, რომ საერთაშორისო ომის დათავება მარტო რევოლიუციონურ რუსეთს არ შეეძლო; საჭირო იყო სხვა მებრძოლ სახელმწიფოებშიაც შეცვლილიყო მდგომარეობა, იქაც მუშათა კლასს აეღო საკუთარ ხელში ომისა და

ზავის საკითხის გადაჭრის საქმე.

მაგრამ ბალშევიკებს აღბათ უფრო აინტერესებდა დროებით მთავრობის დამხობა და თავის ბატონობის განმტკიცება, ისინი ანგარიშს არ უწყევდენ რეალურ ძალთა განწყობილებას და ხალხს აჯერებდნენ, თუ ჩვენ ჩავიგდებთ ძალა-უფლებას ხელში, დაუყონებლივ ჩამოვადგებთ ზავსო. და ეს საუკეთესო საავიტაციო ლოზუნგი იყო ომიანობით განაწამებ, მოქანცულ მასისს მისამხრობათ. ბალშევიკებმაც ისარგებლეს გარემოებით და უკმაყოფილო, ზავის მოსურვე ჯარისკაცთა დახმარებით მიზანს მიაღწიეს, სახელმწიფოებრივი მმართველობის სადავე ხელში ჩაიგდეს. მიყვეს ხელი დეკრეტების გამოცემას და პარველი მათგანი იყო დეკრეტი ზავის შესახებ.

ახლა ბალშევიკების საზოგოო მოღვაწეობას მთავის ისტორია აქვს. ამ დროს განმავლობაში ბალშევიკებმა არა ერთხელ აუწყეს ქვეყანას გერმანიის იმპერიალისტები გაეტყუებთ, საპატოო ზავზე დავითანხმეთო. ადგილობრივი ბალშევიკები კიდევ შორს წვიდნენ. ზავის შესახებ დეკრეტის გამოცემის გამო ფურცლები გაავრცელეს თბილისში, საყველთაო საპატოო ზავი უკვე ჩამოვადლო და მუშებს სადღესასწაულოთ მოუწოდებდნენ.

ბალშევიკები არამტოუ სამარცხვინო, სეპარატიული ზავის წინააღმდეგნიც კი იყვნენ. თუ გერმანიამ წამოგვიყენა სამარცხვინო ზავის პირობები; ჩვენ დამფუძნებელ კრებას წარუდგენთ მათ განსახილველათ დეე, დამფუძნებელ კრებამ მიიღოს სამარცხვინო ზავი, ჩვენ ზურგს შევაქცევთ მას და რევოლიუციონური რუსეთი იბრძოლებს უკანასკნელ სისხლის წვეთამდე, რათა დაოცვას თავის ღირსებო — ამასათ განაცხადა ტროცკიმ. მაგრამ როცა ტროცკი ამ განცხადებას აკეთებდა, მის მიერ მთავარსარდლოდ დანიშნული კრილენკო აღბათ თავის აწ ისტორიულ სამარცხვინო მანიფესტის პროექტს იმუშავებდა.

ბალშევიკები ფიქრობდნენ თავის მოქმედებით ევროპაში სოციალისტური რევოლიუციის გამოწვევას და ამ გზით საყველთაო ზავის ჩამოვადებას და სოციალიზმის განხორციელებას; მუშათა და ჯარისკაცთა დეპუტატების საბჭოთა მესამე ყრილობაზე კი ტროცკიმ უსირცხვილოთ განაცხადა, რუსეთის რევოლიუციას არ შეუძლია იხსნას მთელი კაცობრიობა და ჩვენ შეიძლება მოვიხედეს კიდევ სეპარატიული ზავის ჩამოვადებაო.

ასე იცვლებოდა ბალშევიკების შეხედულება

ზავის სიკითხში, სინამდვილე, რეალურ ძალთა განწყობილება ბალშევიკების კეთილ სურვილებზე უფრო ძლიერი აღმოჩნდა. ამან გამოიწვია ბალშევიკების უმაგალითო ქანაობა ზავის საკითხში, მათი თანდათანობით უკან დახვევა და ბოლოს სამარცხვინოთ დამარცხება, რაც გამოიხატა გერმანიის იმპერიალისტების წინ წამოჩოქებაში. კრილენკოს უკანასკნელი დებეზა იარაღის დაყრისა და ჯარის დემობილიზაციის შესახებ ამის საუკეთესო დამამტკიცებელია. ბალშევიკებმა, რომლებიც ფიქრობდნენ ოდელია კაპიტალიზმის დამხობას, სამარცხვინოთ ოქუსტლეს ბრძოლის ველიდან და რუსეთის რესპუბლიკის ბედი გერმანელ იმპერიალისტებს ჩაუვსეს ხელში. ეს რაღაც სამარცხვინო ზავზე უარეა, ეს ისეთი რამ არის, რომლის მსგავსი ისტორიას არ ახსოვს.

გერმანელ იმპერიალისტებმა ისარგებლეს ხელსაყრელ შემთხვევით და მთელ ფრონტზე შემოტევა დაიწყეს. მართალია ამ შემოტევას ხსნიან კეთილსურვილებით, ჩვენ გვინდა ვიხსნათ რუსეთის ხალხი ბალშევიკების მოქმედების დამღუპველ შედეგებისაგან და დაეამყაროთ წესრიგი. ჩვენ კარგათ ვიცით თუ როგორ „წესრიგს“ დამყარებს რუსეთში ვიღველმის ჯარი... უკანასკნელ ცნობების თანახმად, ლენინის მთავრობას გადაუწყვეტია სამღვალო ომი გამოუცხადოს გერმანიას და მოახდინოს მის მიზნით იმ ჯარის მობილიზაცია, რომელიც კრილენკოს მანიფესტით გუშინ სახლში გაუშვა.

როგორც არ უნდა იყვეს, ერთი აშკარაა. ბალშევიკების პოლიტიკით განადგურების კარამდე მიყვანილი რუსეთი ვერ შესძლებს დღეს ომის წარმოებას და იგრ იძულებული იქნება დღეს არა, ჯვალ მაინც მიიღოს გერმანიის იმპერიალისტების მიერ ნაკარნახევი ზავის პირობები. მით უმეტეს აუცილებელი იქნება ეს, თუ ბალშევიკების ბატონობას დროზე არ მოეღო ბოლო.

ასეთია ბალშევიკების „საპატიო“ დაუყონებლივი ზავი, რომელსაც ისინი დაჰპირდნენ ხალხს, ასეთ მდგომარეობაში ჩააგდო ბალშევიკების პოლიტიკამ რევოლიუციონური რუსეთი.

3. ნიკურაძე

პროლეტარიატის ისტორიული მისია.

უტოპიზმი.—მარქსიზმი.

თავის შინაარსით მარქსიზმი—მეცნიერული სოციალისტური სისტემა, რომელიც საფუძვლათ უდევს თანამედროვე პროლეტარიატის მსოფლ-მხედველობას, უწინარეს ყოვლისა კაპიტალიზმის პირში შეიღია.

კლასთა შორის უღრესათ განვითარებული ანტაგონიზმი, ერთი მხრით, და ანარქია წარმოებში (პერიოდული კრიზისები) მეორე მხრით—აი ნიადაგი, რომელზედაც აღმოცენდა მეცნიერული თეორია, რომელიც ამტკიცებს, რომ კაპიტალიზმის შრომის განთავისუფლება არ არის დამოკიდებული კერძო პირების კეთილ სურვილებზე, არამედ ისტორიულ პროცესის აუცილებელი შედეგია.

თავისი თეორიული ფორმით კი—მეცნიერული სოციალიზმი—მე-XVIII და მე-XIX საუკუნეთა ფილოსოფოსების მიერ წამოყენებულ პრინციპების ლოგიკურ დაბოლოებას, მეცნიერულ სინთეზს წარმოადგენს.

მართლაც, ჩვენ თუ ვავითვალისწინებთ საფრანგეთის მატერიალისტების (გელვეციუსი, გოლბახი) მოძღვრებას, მორელის და მაშლის კომუნისტურ თეორიებს, თუ ყურადღებით ვავეცნობით უტოპიურ სოციალიზმის სამ უდიდეს მოციქულთა მსოფლ-მხედველობას (სენ-სიმონი, ფურიე, ოუენი), თუ დაუკვირდებით გერმანულ იდეალისტურ ფილოსოფიას, უმთავრესათ ჰეგელის, თუ შევვისწავლით ადამ სმიტის, რიკარდოს და როდბერტუს-იავეცოვის პოლიტიკურ ეკონომიას,—ნათლათ დავინახავთ და დავრწმუნდებით, რომ მარქს-ენგელსის სოციალოგიური და ეკონომიური მოძღვრება ამ ორ გენიალურ ადამიანთა გამოგონება კი არ არის, არამედ დიდი ხნის განმავლობაში განვითარებული და შემუშავებული იდეოლოგიაა, რომელიც მათ მიერ ერთ მთლიან მეცნიერულ მსოფლ-მხედველობათ ჩამოყალიბებულ იქნა.

გადავავლოთ თვალთ ამ იდეოლოგიურ ევოლიუციის ზოგიერთ მხარეებს. შევჩერდეთ უმთავრესათ იმ იდეებზე, რომელნიც მეტათ საფუძისხშიერო არიან ჩვენთვის.

ავიღოთ ჯერ სენ-სიმონის ნაწერები.*) იქ ჩვენ უკვე შევხვდებით ასეთ დეკლარაციას, რომ „ყოველი ადამიანი უნდა მუშაობდეს“, იქვე წვიკითხავთ, რომ საფრანგეთში ტერორის ბატონობა—იყო ვალატაკებულ მანის ბატონობა. „შეხედეთ—მიმართავს ის ამ მასას,—რა მოხდა საფრანგეთში, როდესაც ბატონობდნენ თქვენი ძმები: მათ შიმშილი შექმნეს.“

ფრ. ენგელსის თქმის არ იყოს, მართლაც, გენიალური ნიჭი და დაკვირება იყო საჭირო, რომ უკვე 1802 წელს ადამიანს გაეგო, რომ საფრანგეთის რევოლიუცია—

*) „Женевскія письма“—Сень-Симонъ.

იყო კლასიური ბრძოლა არა მარტო თავიდანაწარმოებისა და ბურჟუაზიისა, არამედ ბურჟუაზიის და ლარბ კლასებს შორისაც.

1916 წელს სენ-სიმონი ამტკიცებდა, პოლიტიკა— მეცნიერებაა წარმოების შესახებ და მომავალში სასესიო შეუერთდება ეკონომიკას. აქ ჯერ კიდევ ნათლათ არ გამოიხატება ის აზრი, რომ პოლიტიკური დაწესებულება (institution) ეკონომიურ მდგომარეობის ნაყოფია. სხვა ადგილას ს.-სიმონი უფრო გარკვეულათ გამოთქვამს ასეთ შეხედულებას. მისი ფიქრით ადამიანებზე პოლიტიკურ ბატონობას უნდა მოეყვას ბატონობა „საგნებზე“, წარმოების პროცესზე. ე. ი ბოლოს და ბოლოს სახელმწიფო უნდა გაუქმდეს.

აქ აშკარათ არის გამოთქმული ის იდეა, რომელიც შემდეგ მარქსიზმში ჰპოვებს თავის მეცნიერულ გამოხატულებას.

მეორე გენიალურ უტოპისტის, ფურიეს ღირსებას შეადგენს ის, რომ მან თავის ნაწერებში კრიტიკის ქარცეცხლში გაატარა ბურჟუაზიული წესწყობილება, გამოაშკარავა მისი ღრმა წინააღმდეგობანი, მისი ზნეობრივი სილატაკე და მასთან ერთათ გადაგვიშალა მომავალ ცხოვრების პერსპექტივა, საყოველთაო ბედნიერების სამეფო, სადაც ყველა იცხოვრებს თავისუფლათ, შეუფეროვებლათ.

ფურიეს ალბათ ჰეგელსავით შესანიშნავათ ჰქონდა გათვალისწინებული დიალექტიკა, რომელმაც მის საშვალება მისცა მიმხედარიყო, რომ „თანამედროვე ცივილიზაციის ხანაში—სიღარიბე თვით სიმდიდრით არის გამოწვეული“. ჩვენ ვხედავთ იმ თეორიის ჩანასახს, რომელიც მარქსმა თავის „კაპიტალში“ მეცნიერულათ გამოარკვეა და დაასაბუთა.

რობერტ ოუენი, მესამე შესანიშნავი სოციალისტი—იყო ცნობილი ინგლისელი ფაბრიკანტი; იგი ინგლისში სცხოვრობდა, სადაც უკვე საკმაოთ იყო განვითარებული მრეწველობა და წარმოება. ოუენი, როგორც მეტათ დაკვირვებული ადამიანი, ადვილათ ხედავდა კაპიტალისტურ წყობილების უკუღმართობას, ხედავდა მუშების უმწყო მდგომარეობას და მთელი თავის ძალღონით სცდილობდა ეს უკუღმართობა და უსამართლობა მოესპო. ოუენის ფაბრიკებში მუშები შედარებით გაცილებით კარგ მდგომარეობაში იმყოფებოდნენ, მუშაობდნენ ნაკლებ დროს და იღებდნენ ზედმეტ ხელფასს, ვიდრე სხვაგან.

ოუენს ეს არ აკმაყოფილებდა. „ეს ხალხი—ჩემი ყმებია“—ამბობდა ის.

რა თქმა უნდა, მუშების მდგომარეობის შედარებითი გაუმჯობესება არ უზრუნველ ყოფდასასესებით მათ ზნეობრივ და გონებრივ განვითარებას.

ოუენის აზრით, მშრომელთა განათავისუფლების აუცილებელი პირობა კერძო საკუთრების მოსპობა იყო. ამიტომ ის მუშუდგა სამიწათმოქმედო კომუნისტურ კოლონიების მოწყობას. მაგრამ მისი კომუნისტური იდეები მან ცხოვრებაში ვერ განახორციელა.

რა იყო ამის მიზეზი? რაში მდგომარეობდა სენ-სიმონის, ფურიეს და ოუენის უტოპიზმი?

მიუხედავით მრავალ საგულისხმო აზრებისა, რომელიც გამოითქვა მათ მოძღვრებაში, მათი საერთო მსოფლმხედველობა, მათი პრინციპიული დებულებანი, საიდანაც ისინი გამომდიოდნენ, ეწინააღმდეგებოდნენ როგორც რეალურ სინამდვილეს, ისე მეცნიერებას. სოციალიზმი მათ წარმოდგენილი ჰქონდათ, როგორც აბსოლიუტურ, (ზოგად, განყენებულ) პრინციპის, გონებისა და სამართლიანობის გამოხატულება. საჭირო იყო მისი გამოაშკარავება, რომ მის საშვალებით შემდეგ მთელი კაცობრიობა მიეგებოდა; და რადგანაც აბსოლიუტურ ყოველთვის დამოუკიდებელია დროსა და ადგილისაგან, კაცობრიობის ისტორიულ განვითარებისაგან, ამიტომ უბრალო შემთხვევის საქმე იქნება, როდის ან სად მიავნება და ადამიანი ამ პრინციპს. ამასთან უნდა ვსთქვა, რომ ყოველგვარი აბსოლიუტური იდეა—თვითველ ფილოსოფოსს თავისებურათ ესმის. ეს საერთო პირობებზე და მოკიდებული, როგორც არის მთავალიათ: ადამიანის აზროვნების ფორმა, ეროლიცია, სუბიექტიური გემოვნება, და სხვ. და სხვ.

ამიტომ როდესაც ერთი მეორეს შეეჯახება ორი სხვადასხვანაირათ წარმოდგენილი აბსოლიუტური იდეა, შეირდება მხოლოდ კომპრომისით შეიძლება. კომპრომისი კი თეორიაში ჰქმნის საშვალო, ეკლექტიურ მოძღვრებას, რომელიც სხვა და სხვა წინააღმდეგობით, ულოლიკობით და შეცდომებით არის სავსე.

აი სწორეთ ჩვენ მიერ გაცნობილ ფილოსოფოსთა სოციალიზმი—განყენებული თეორიული სისტემაა, რომელიც აშენებულია აბსოლიუტურ პრინციპებზე და განშორებულია რეალურ სინამდვილს.

სოციალიზმი კი რომ მეცნიერებათ იქცეს, უნდა ცხოვრების რეალურ ნიადაგს დაეყრდნოს.

„სანამ პროლეტარიატი იმდენათ არ განვითარებულა, რომ ერთ კლასათ ჩამოყალიბდეს, სანამ ბრძოლას პროლეტარიატსა და ბურჟუაზიის შორის არ მისცემია პოლიტიკური ხასიათი, სანამ თვით კაპიტალისტურ წყობილებაში არ განვითარებულან საწარმოო ძალები, რომელნიც პროლეტარიატის ემანსიპაციის და ახალ საზოგადოების დაარსების მატერიალურ პირობებს შეადგენენ—მანამდე პროლეტარიატის თეორეტიკოსები მხოლოდ უტოპისტები არიან, რომელნიც თავიანთ თავიდან იგონებენ სხვა და სხვა სისტემებს.

მაგრამ ისტორიის მსვლელობაში პროლეტარიატის ბრძოლა უფრო და უფრო ნათელ ხასიათს ღებულობს, ეს თეორეტიკოსები აღარ საჭიროებენ თავიანთ თავში სძებნონ მეცნიერება; მათთვის საჭიროა შეიგნონ ის, რასაც ისინი თავიანთი თვალებით ხედავენ. სანამ ისინი ეძებენ მეცნიერებას და ქმნიან სისტემებს, სანამ ისინი ბრძოლის დასაწყისში ღვანან—მანამდე სილატაკეში მხოლოდ სილატაკე ხედავენ, და ვერ ამჩნევენ მასში რეალეულიციონურ მხარეს, რომელიც ძირიანათ დაანგრევენ ძველ საზოგადოებას.

ამიერიდან მეცნიერება, როგორც ისტორიულ მოძრაობის შეგნებული ნაყოფი, აღარ არის დოკტრინალური, ის „რევოლუციონური“ შეიქნა.“*)

აი რას ამბობს მარქსი უტოპიურ სისტემის და შეცნიერების შესახებ. მართლაც, უტოპისტები სრულიად არ უწყდნენ ანმარიზს საზოგადოებრივ განვითარების კანონებს, მათ ეს კანონები არც შეუსწავლიათ; მათი რეფორმატორული გეგმა არ შეესაბამებოდა კაპიტალისტურ საზოგადოების განვითარებას. საკმარისი იყო, როგორც ისინი ფიქრობდნენ, სოციალურ გეგმის შედგენა, შემდეგ კი თანდათან პრობანდით და მავალითებით ეს გეგმა განხორციელდებოდა. უტოპისტები ხედავდნენ კლასიურ ბრძოლას, მაგრამ მათ მინც შესაძლებლათ მიაჩნდათ ყველა კლასების სოლიდარული მუშაობა ბურჟუაზიულ საზოგადოების გარდასაქმნელათ.

როგორც მე-XVIII საუკუნის ფილოსოფოსებს, ისე უტოპისტებს უნდოდათ არა რომელიმე კლასი გაენთავისუფლებიათ, არამედ მთელი კაცობრიობა.

ს.-სიმონისტები, ოუენისტები და ფურიერისტები არ იყვნენ პროლეტარიატის მოძრაობის გამომხატველნი, ეს სხვათა შორის იქიდანაც სჩანს, რომ ისინი სტოვებდნენ პოლიტიკურ ასპარეზს სწორით მაშინ, როდესაც პროლეტარიატი გამოდირდა, როგორც აქტიური საზოგადოებრივი ძალა. აი ამიტომ იყო, რომ მარქსმა და ენგელსმა 1847 წელს პროლეტარიატის პარტიას უწოდეს კომუნისტური და არა სოციალისტური პარტია.

მარქსისტული მოძღვრება სრულიათ სხვა საფუძველზე არის აშენებული, ვიდრე უტოპიური სოციალიზმი. მარქს-ენგელსის შეხედულებით, პროლეტარიატი თავის კლასიურ ბრძოლაში ბურჟუაზიის წინააღმდეგ განყენებულ მორალურ პრინციპებს კი არ ეყრდნობა, არამედ იმ მატერიალურ საშუალებებს, რომელნიც კაპიტალისტურ საზოგადოებამ და თანამედროვე წარმოებამ წარმოიშვა.

მატერიალისტურ მეთოდით აღჭურვილნი, —მარქსისტები კაპიტალისტურ წესწყობილებას უყურებენ, როგორც საზოგადოების ერთ-ერთ გარდამავალ ფორმას, რომელიც ახალ საწარმოო ძალათა ზე-გავლენით თავის ადგილს უთმობს სოციალიზმს.

რაც დრო გადის, ეკონომიური და საზოგადოებრივი დიფერენციაცია თანდათან ღრმავდება. ერთი მხრით თავს იყიან კაპიტალისტები, საწარმოო იარაღის პატრონნი, მეორეს მხრით სდგას უზარმაზარი მშრომელთა არმია, პროლეტარიატი, რომელიც კაპიტალისტურ ექსპლუატაციის მსხვერპლს წარმოადგენს.

ეს დიფერენციაცია, წვრილი წარმოების მოსპობა და მსხვილი კაპიტალის ცენტრალიზაცია, „კონცენტრაცია“—კაპიტალისტურ წარმოების შინაგან, იმენეტურ კანონების ძალით ხდება. **).

*) K. Марксъ. „Нишета философи“.

**) K. Марксъ. „Капиталь“. Т. I.

ანტაგონიზმი კლასთა შორის თავის მწვერვალს აღწევს. პროლეტარიატი ქმნის უძლეველ ორგანიზაციას, ჰკრფის თავის იდეურ და მატერიალურ ძალებს და იბრძვის ბურჟუაზიის წინააღმდეგ.

ბურჟუაზია, კონკურენციის ვაკანალიით გატაცებული, ვერ უმკლავდება ეკონომიურ სტიქიას, ვერ უშორჩილებს წარმოებას განსაზღვრულ გეგმას, წესრიგს.

ამის გამო წარმოიშვა ანარქია წარმოებაში, (პერიოდული კრიზისები) ყოველ 10 წლის განმავლობაში დაახლოვებით ჩვენ ასეთ სურათის მოქმედ ვხვდებით: ბასარზე აუარებელი საქონელი გამოტანილი, ფასები საშინლათ ეცემა, წარმოება ჩერდება და აუარებელი მუშა უმწყობთ რჩება.

ეს მოვლენა ნათელჰყოფს—კაპიტალიზმის დანგრევის აუცილებლობას. კერძო საქუთრებას—კაპიტალიზმის დედა ბოძს, უკვე წინააღმდეგა ახალი ძალა, რომელიც თვით მან წარმოიშვა. ეს ძალა არი პროლეტარიატი, მუშათა მძლავრი ორგანიზაცია, რომლის ისტორიულ მოწოდებას, მისიას, შეადგენს კიბიტალისტურ წესწყობილების დანგრევა, წარმოების განსაზღვრადობრივობა, კლასების მოსპობა და ამგვარათ მთელი კაცობრიობის განთავისუფლება.

„როდესაც საწარმოო იარაღები მთელი საზოგადოების ხელში გადავა, მაშინ მოისპობა საქონლის წარმოება და მისთან ამ საქონლის ბატონობა მწარმოებელზე. ანარქიის მაგიერათ წარმოებაში ადგილს დაიჭერს შეგნებული ორგანიზაცია, რომელიც განსაზღვრულ გეგმას ემორჩილება. აღარ იქნება ბრძოლა არსებობისათვის. ამათ ადამიანი პირველათ და სამუდამოთ გამოდის ცხოველთა სამეფოდან, ცხოველურ პირობებს ნამდვილი ადამიანური პირობები სცვლის...“

ეს კაცობრიობის ნახტომი არის აუცილებლობის ხამეფოდან—თავისუფლების სამეფოში.

ამ განმანათავისუფლებელ აქტის შესრულება შეადგენს—თანამედროვე პროლეტარიატის ისტორიულ მოწოდებას.

ამ აქტის ისტორიულ პირობების და მისი შინაარსის გამოკვლევა, პროლეტარიატისათვის მისი მოქმედების პირობებისა და ბუნების გაგებინება—აი მოვალეობა მეცნიერულ სოციალიზმისა, რომელიც პროლეტარიატის მოძრაობის თეორიულ გამოხატულებას წარმოადგენს.*).

მუშათა მოძრაობა თანდათან უმრავლესობის მოძრაობათ ხდება. პროლეტარიატის საბოლოო მიზნები და იდეალები, უწინარეს ყოვლისა რასაკვირველია, მის კლასიურ იდეოლოგიას შეიცავს. მაგრამ ამასთანავე ეს იდეალები მთელი კაცობრიობის იდეალებია.

სოციალიზმი—კაცობრიობის თავისუფლება იქნება. „მუშათა კლასის განთავისუფლების პირობა—ყოველგვარ კლასების მოსპობა არის, ისე, როგორც, მესამე

*) Фр. Энгельсъ. Анти-Дюрингъ.

წოდების, ბურჟუაზიის განთავისუფლების პირობას წოდებათა მოსპობა შეადგენდა. *)

მუშათა კლასი ძველ კლასიურ საზოგადოების ნაცვლათ შექმნის ასოციაციას, რომელშიაც არ ექნება ადგილი არც კლასიურ დიფერენციაციას, არც სახელმწიფოს, როგორც ამ დიფერენციაციის, კლასთა ბრძოლის ოფიციალურ გამოხატულებას. მანამდე კი კლასთა შორის განწყობილება წარმოადგენს მუდმივ ბრძოლას, რომლის უაღრესი ფორმა რევოლუცია არის.

სოციალიზმის დროს, საზოგადოებრივი პროგრესი, ევოლუცია უარყოფს ამგვარ რევოლუციას.

დღეს კი სოციალური მეცნიერება რევოლუციისკენ მოგვიწოდებს.

ეს არის მისი უკანასკნელი სიტყვა. „ბრძოლა ან სიკვდილი; სასტიკი ომი ან არყოფნა. ასე მწვავეთ არის დაყენებული კითხვა!“

ბ. ხუნდაძე.

მოწოდება.

სეცდამ სიხარულს მახვილი ჩაპკრა: თავისუფლება გინსაცდელშია! საბედისწერო საათმა დაპკრა, — ხმალი აიღეთ ყველამ ხელშია! „სათაყვანებელ ომში ჩაბმული კაცობრიობა მოითხოვს შევლას!“ და მეც, საომრად ფარ-ხმალ ასხმული, ბრძოლისაკენა გიწოდებთ ყველას!

დაე, ამხედრდეს ზღვა ცხოვრებისა, — შურისძიებამ გაშალოს ფრთები! სკვიოდეს მეხი მტერთა რბევისა, ზე აღიმართონ იმედის მთები!

გამხნევედით ძმებო! დიად ბრძოლაში სამყაროს ჰფინეთ მედვარი ხმები! საუკუნეთა ტრიალ-სრბოლაში თუ გვიძღვეთა ჩვენ ხშირათ მტრები, ხელაუცა დაეძღვეთ! მაშ, შორს, შორს [ძრწოლა!

ელვისაებრი შეისხით ფრთები! წინ კვლავ მოგველის გმირული ბრძოლა, — შეატრიალეთ ჰაერში ხმლები!.

გენო.

გლეხი და პროლეტარი.

გლეხისა და პროლეტარის სოციოლოგიურ ბუნების გამოკვლევა სოციალისტურ ლიტერატურის ერთ უმთავრეს საგანს შეადგენს. დიდი ხანია რაც მარქსისტებსა და სოც.-რევოლუციონერების შორის ამის შესახებ კამათი სწარმოებეს, მაგრამ ამ კამათს ჯერ ერთი დასკვნა არ გაჰკეთებია, იგი ჯერ კიდევ დაუსრულებელია. ამასთანავე თვით ევროპის მარქსისტებს შორის წამოჰყო ამ კითხვამ თავი; ასე რომ ამ საკითხის გაშუქებას ამ ეპოქას, როგორც თეორეტიული, მეცნიერული, ისე პრაქტიკული ინტერესი.

გლეხისა და პროლეტარის მდგომარეობის და ბუნების ანალიზი — ერთი უმთავრესი საკითხთაგანია, რომელიც ჰყოფს რუსეთში მომქმედ სოციალისტურ პარტიებს. ზოგს, როგორც მაგ. სოც.-რევ. გლეხის სოციოლოგიური ბუნება სოციალისტურათ მიაჩნია, ისე როგორც პროლეტარისა, და ამ ორ კათეგორიას ერთს კლასში ათავსებეს: მათის აზრით „მშრომელი ხალხი“ — რომელიც შეიცავს, როგორც მუშათა კლასს, ისე გლეხობას, ერთი მთლიანი ეკონომიური ჯგუფი — კლასი არის, გაერთიანებული, როგორც თავისი მახლობელ ინტერესებით, ისე საბოლოო მიზნებით. არც გლეხი, არც პროლეტარი არ არის უზრუნველყოფილი კაპიტალისტურ საზოგადოებაში, ორივე ღარიბია, ორივე იტანჯება, ორივე გაყვლეფილთა რაზმს ეკუთვნის; ამასთანავე არც ერთი მათგანი არ სარგებლობს დაქირავებული შრომით (სახეში ჰყავთ მშრომელი გლეხობა), ორივე პირადი ენერჯიის დახარჯვით სწევენ თავის ცხოვრების ჰაზანს. პროლეტარსა და გლეხს შორის არ არის არავითარი ინტერესთა წინააღმდეგობა, ერთი მეორის კეთილდღეობაში არის დაინტერესებული; გლეხს, როგორც პროლეტების გამოიდავს, აინტერესებს მუშისთვის ხელფასის აწევა, რადგან ამით მის საქონელს მუშტარი უწინდება და პროლეტარი კი გლეხის მდგომარეობის გაუმჯობესობა, — ამით გლეხი გაპროლეტარებას გადაარჩება და მუშას კონკურენციას აღარ გაუწევს.

აი მოკლეთ მთელი არგუმენტაცია სოც.-რევოლუციონერებისა და მათი მიმდევრების ჩვენში სოც.-ფედერალისტებისა.

სულ სხვა არის მარქსიზმის აზრი ამ საგნის შესახებ.

საქმე იმაშია, რომ გლეხობა, როგორც ერთი მთელი, წარმოებაში ჩაბმული ჯგუფი, ფეოდალურ წყობილების საფუძველი არის. ამისთვის მისი და მიხედვით თუ როგორ შრომას ეწეოდა ის, იმ თავიდანვე ახასიათებდა განსაკუთრებული, სპეციფიური თვისებები: ინდივიდუალური შრომა ჰქმნიდა მასში ვიწრო, ჩახშულ ფსიხოლოგიას, სიყვარულს კერძო საკუთრებისადმი და ნატურალური წარმოება კი მის მოქმედების ფარგალს საზღვრავდა ერთი პატარა სოფლით. სხვა და სხვა ეკონომიურ მიზეზების გამო ამ ძველ, ფეოდალურ წყობილების

*) Марксъ. Нищета философи.

დამრღვევი ელემენტები ქალაქში მოგროვდა და იქ განვითარდა. სოფელმა, როგორც ასეთმა, ვერ შესძლო თავისივე კერძო, შინაგანი განვითარებით გაეხსნა ვხა ახალ ეკონომიურ წყალობებისათვის და თავისი წინააღმდეგობა ამით დაეძლია.

კაპიტალიზმში მძლავრათ შეიქრა თვით სოფელშიაც. გლეხობა, როგორც მთლიანი მწარმოებელი ელემენტი, თანდათან დაირღვა. კაპიტალისტურმა დიფერენციაციამ, როგორც ჭიამ, ისე გახრწნა ეს მთლიანობა და გლეხთა მასაში ეკონომიური სხვადასხვობა შეიქმნა; ნაწილი მისი ქალაქის პროლეტარებათ გადაიქცა, ნაწილი ბურჟუაზიულ კლასს შეუერთდა; ეს რღვევის პროცესი მას შემდეგ გამუდმებით მოქმედობს გლეხობაში. გლეხობა აღარ არის თანამედროვე ცხოვრების დამახასიათებელი ელემენტი, ეს ელემენტი ქალაქის მრეწველობაში იმარბება; ბურჟუაზია და პროლეტარიატი — აი რა ანასიათებს თანამედროვე კაპიტალისტურ წესწყობილებას. სოფლის როლი თანამედროვე ცხოვრებაში ძლიერ მცირეა და რაც დრო გადის უფრო კლებულობს.

ცხადია ახალი ძალა, თვით კაპიტალისტურ წყობილებში დამრღვევათ მოწოდებული, ქალაქში, მუშათა კლასში უნდა დაენახათ და არა იმ ინერტიულ გლეხთა მასაში, რომელიც თავს ვერც კი არათმეგობს ცხოვრებას, არამც თუ ახალი წყობილების მებრძოლათ გამოსულოცო; გლეხს მისი ეკონომიური მდგომარეობა არავითარ სოციალისტურ პერსპექტივას არ უხატავდა გონებაში. ასე რომ გლეხის სოციალისტათ დასახევაზე ფიქრიც კი მაშინ სასაცილო იყო. პროლეტარის მდგომარეობა კი, რომელსაც საწარმოო იარაღთა უქონლობა და კოლექტიური შრომა ახასიათებს, პირდაპირ უკარნახებდა მას ამ საზოგადოების სოციალისტურათ გარდაქმნის შესაძლებლობას; სოციალური დინამიკა კი, რომელიც განაგრძობდა თავის შეუზღარებელ რღვევა-შენებას, თანდათან აძლიერებდა პროლეტარათა რაზმს და გამორევევლ გრძნობებს გონების ფორმებათ აყალიბებდა. ცხადია ამიტომ, თუ რისთვის დასახეს მარქსმა და ენგელსმა კაპიტალიზმის „მესაფლავეთ“ პროლეტარიატი, და გლეხობისა კი ამ მხრივ იგივე არა ჰქონიათ.

მაგრამ მიუხედავათ გლეხობის რღვევის და დიფერენციაციისა, მიუხედავათ კაპიტალიზმის ძლევა-მოსილ მსვლელობისა — გლეხობა არ გამქრალა; მისი ნაწილი შეეგუათ თითქოს კაპიტ. წყობილებას, თუ შეიძლება ასე ითქვას, ასე რომ თვით სოფელში კაპიტალიზმის განვითარებაშიც კი მოითხოვა თავის გვერდით წვრილი წარმოების არსებობა. (იხ. კაუტკი. „აგრარული საკითხი“). გლეხობა თუცა ისევე განიცდის კაპიტალიზმის დამრღვევ მოქმედებას, თუმცა არ შეადგენს თანამედროვე ცხოვრების საფუძველს, მაგრამ მაინც ელემენტი არის საზოგადოებისა, და ამასთანავე ელემენტი გაყვლევილი და უკმაყოფილო.

და აი აქ დაისვა საკითხი გლეხსა და პროლეტარის ურთიერთობის შესახებ, აქედან დაიწყო გლეხის ცხოვრ-

ებაში და მდგომარეობაში ძებნა სოციალისტურ ბუნებისა. ასე რომ გლეხის და პროლეტარის სოციალოგოიური ანალიზის საკითხი ევროპის სოც.-დემოკრატიაში უმთავრესათ პრაქტიკულმა მოთხოვნებამ დასვა, მაგრამ ამ საკითხს თავიდანვე ეჭვ სწორი გეზი და ფარავლი. ისეთ ჩამორჩენილ ქვეყანაში კი როგორც რუსეთია, განსაკუთრებულ პირობების წყალობით, ერთმანეთში გადაიხლართა ბურჟუაზიული რევოლიუცია და რევოლიუცია სოციალისტური; პროლეტარიატი საქაიმა ძლიერი აღმოჩნდა უკვე ფეოდალურ წყობილების ნგრევის დროს და ამასთანავე გლეხობაც მრავალრიცხოვანი; და აი აქ პირდაპირ ცხოვრებამ მოათხოვა ამ საკითხის დღის წესრიგში დასმა, და ამ ცხოვრებამ და რუსეთის განსაკუთრებულმა მდგომარეობამ ააცილნა იგი სწორ ხაზს. ამას გარდა რუსეთში გლეხის სოციალისტათ დასახევის ერთგვარი ტრადიციაც აღმოჩნდა თვით მე-60-ე წლებიდან მომდინარე, თემურ მიწათმფლობელობის არსებობაზე აღმოცენებული, და ამიტომ ყველაზე უფრო მწვავეთ ეს პრობლემა აქ დაისვა.

ამ მცირე ისტორიულ ანალიზის შემდეგ ვადავიდვართ საკითხის არსებით მხარეზე.

პირველ არგუმენტათ, როგორც ზევით დავინახეთ, გლეხის სოციალისტურ ბუნების დასაბუთებლათ მოკყავთ მისი სიღარიბე, ტანჯვა-წვალება და ექსპლუატაცია. მაგრამ მარქსისმის აზრით სიღარიბე თავისთავათ აღებული ვერასოდეს ვერ წარმოშობს სოციალისტურ შეგნებას. ევროპის პროლეტარიატი შეიძლება უფრო კარგე პირობებში იმყოფებოდეს, ვიდრე გლეხობა, მაგრამ პირველი სოციალისტურია, მეორე კი არა. პროლეტარიატის უმთავრეს ნიშნობლივ თვისებას, იმ თვისებას, რომელიც მას ახალ ცხოვრების მებრძოლათ ჰქმნის, სიღარიბე კი არ წარმოადგენს, არამედ ის როლი, რომელსაც იგი წარმოებაში თამაშობს. თუ ჩვენ მორალურ თვალსაზრისზე დაედგებით მაშინ რასაკვირველია აღვილათ შეგვიძლია დარიბი გლეხი და ბოვანო მუშა, პროლეტარი ერთს კათეგორიაში და კლასში მოვაქციოთ; მორალური თვილსაზრისით ისინი თანასწორნი არიან; არადავ სიღარიბე ტანჯვა-წვალება იორივს ანასიათებს; ამასთანავე არც ერთი მათგანი არ ცხოვრობს ხეხის ექსპლუატაციით; და აი ამ მთლიან მშობომლ კლასს ჩვენ შეგვიძლია დაუპირდაპირათ კლასი ექსპლუატატორათა და მჩაგვრელათ; მაგრამ სოციალურ და ეკონომიურ მოვლენათა გარკვევის დროს მორალურ, ზნეობრივ თვალსაზრისით სარგებლობა შორს ვერ წავაცივანს. მეცნიერული ცივი მსჯელობა ხშირათ მკაფიათ არღვევს ჩვენ ზნეობრივ ილოუზიებს. მეცნიერული თვალსაზრისით კი კლასი პიროვნებათა ჯგუფი არის, რომელიც ერთს და იმავე საწარმოო დამოკიდებულებაშია სხვა, წარმოებაში ჩამულ ჯგუფებთან და რომელიც ერთს და იმავე როლს თამაშობს წარმოებაში. ამ თვალსაზრისით კი მუშა და გლეხი ერთს სოციალურ კათეგორიაში, ცხადია, ვერ მოექცევა; მათი საწარმოო მდგომარეობა სულ სხვა და

სხვა არის. პროლეტარს საწარმოვო იარაღი არ გააჩნია, ის სხვისთვის მუშაობს. ამასთანავე იგი კოლექტიურ წარმოების პროცესში არის ჩამბული; მისი მდგომარეობიდან ლოკუტურათ და პირდაპირ გამომდინარეობს მისი სოციალისტობა, გლეხის მდგომარეობიდან კი არა.

ამნაირათ სიღარიბის თვისება მხოლოდ მორალურის თვალსაზრისით თუ გამოდგება და არა მეცნიერულის. სიღარიბე მუდამ არსებობდა, რომში რომ სიღარიბე იყო, იმის მონაგონიც არ არის დღევანდელი სიღარიბე, მაგრამ მაშინდელი ლუმპენ-პროლეტარიატი სოციალისტური სრულებით არ იყო. მისი იდეალი, როგორც სამართლიანათ აღნიშნავს კაუტსკი, შეიძლება ვაკოფის კომუნისში გამხდარიყო და არა კომუნისში შეერთებისა. საწარმოვო იარაღთა უქონლობა და წარმოების საზოგადოებრივი ხასიათი—აი ის რეალური ბაზისი, რომელზედაც პროლეტარის სოციალისტური შეგნება შენდება. გლეხი კი წვრილი მესაკუთრეა, მას საწარმოვო იარაღი აქვს და ამასთანავე ინდივიდუალურ, და არა კოლექტიურ შრომას, ეწევა. უმთავრესი ამ შემთხვევაში გლეხის სიღარიბე კი არ არის, არამედ მისი როლი წარმოებაში. მაშასადამე გლეხს და პროლეტარს სულ სხვა და სხვა ნაირი სოციალოგიური ბუნება აქვს, რადგან სხვა და სხვა ნაირი სოციალურ მდგომარეობაში არიან.

მართალია სოციალიზმი მშრომელ გლეხსაც განათვისუფლებს ტანჯვა-წყვლევასა და ექსპლოატაციისაგან, ამასთანავე იგი (სოციალიზმი) მისი მიწების ექსპროპრიაციასაც არ მოუტანს მას (იხ. კაუტსკი, „აგარული საკითხი“. აგრეთვე „ერდფურტ. პროგრამა“), მაგრამ ეს არ ემარა მისთვის რომ გლეხობა სოციალისტურ ელემენტს წარმოადგენდეს. აი არს ამბობს ყოფილი სოც.-რევოლუციონერი ნუტ, სუხანოვი ამის შესახებ: „სოციალისტური პარტია, რომ გლეხური იყვეს, შეეძლოს გლეხობას დაეყრდნოს და მას განსაკუთრებული ყურადღება მიაქციოს, ამისთვის საკმაო არ არის ზემოთ ნახსენები ორი უდავო ფაქტი—გლეხობის ექსპლოატაცია ბურჟუაზიულ წყობილებაში და სოციალიზმის საშუალებით მისი განთავისუფლება. ამისთვის საჭიროა, რომ გლეხთა მოძრაობა თავისი ბუნებით იყოს სოციალისტური; რომ გლეხობის ინტერესი განუყრელათ და ორგანიულათ იყოს შეკავშირებული სოციალიზმთან; რომ გლეხ-კაცობის ხსნა მხოლოდ და მხოლოდ სოციალიზმი იყოს; რომ მის განსათავისუფლებლათ ორი გზა არ არსებობდეს: ვინაიდან არ შეიძლება ისეთ კლასზე დაყრდნობა, რომელიც შუა გზაზე ჩამოგცილდება. შეუძლებელია პარტიამ გამოხატოს უმთავრესათ იმ კლასის ინტერესები, რომელიც ხელ შეიძლება მას მიატოვებს, სხვა იდეალებით გატაცებული, რომელიც შეიძლება არა ნაკლებ რეალურათ გამომდინარეობდენ მის მდგომარეობიდან. შეერთება შეიძლება და საჭიროა იმ კლასთან, რომელთანაც პარტია უშუალოდ ბოლომდე ივლის, რომელიც მომავალში შექმნის სასურველ წყობილებას, როგორც თავის განთავისუფლების ერთადერთ საშუალებას.“ (H. Сухановъ, „Наши направ-

ленин“. გვ. 51—2; როგორც ვიცით ამ წიგნით სუხანოვმა სოც.-დემოკრატიულ პარტიაში გადასვლის დროს თავისი აღსარება სთქვა).

გლეხის პირდაპირი ინტერესია თავისი კერძო ინდივიდუალური წარმოება დაიცვას; ხოლო თუ კი იგი კაპიტალის წინააღმდეგ ხშირათ ილაშქრებს, იმ კაპიტალის, რომელიც სხვა და სხვა არა პირდაპირი საშუალებით მასაც სწავრავს, არა იმისთვის, რომ მოსპოს კერძო საკუთრება საწარმოვო იარაღებზე, არამედ იმ პირობების წინააღმდეგ, რომელნიც მას, როგორც კერძო წვრილ მწარმოებელს, ხელს უშლიან თავისი საკუთრებით და საწარმოვო მდგომარეობით დაუბრკოლებლივ ისარგებლოს. ის ხსნას სხვა და სხვა კოოპერატიულ ამხანაგობებში და წვრილ სოციალურ რეფორმებში ეძიებს და სცდილობს თავისი ნიდავის და მდგომარეობის გამაგრებელ მსხვილ, ბურჟუაზიულ გლეხობის ლაშქარში გადავიდეს. ამის მაგალითები ბევრია; მაგ. ამერიკის წვრილ ფერმერ-გლეხების კავშირის პროგრამაში სწერია: „ჩვენ კაპიტალის მტერნი კი არა ვართ, არამედ მონოპოლების ტირანიის წინააღმდეგ ვართ ამხედრებული“—ო.

მაგრამ სოც.-რევოლიუციონერებს კოოპერაციის და სოციალიზმის დაპირდაპირება შეუძლებლათ მიანიათ. ასე რომ, მათის აზრით, ამ გზითაც გლეხობა სოციალიზმისკენ მიისწრაფის. ჩვენ არ უარყავთ კოოპერაციის მნიშვნელობას, მაგრამ იგი არამც თუ სოციალიზმს არ ამხადებს, არამედ კაპიტალისტურ მსხვილ წარმოებას კიდევ უფრო აძლიერებს. „კოოპერაცია, ამბობს სუხანოვი, მუშას საწარმოვო იარაღთა მესაკუთრეთ სტოვებს, ამარგებს მის კერძო საკუთრებას და მუშას თავისი ნაშრომის მესაკუთრეობას. მართალია კოოპერაცია ინდივიდუალურ საკუთრებას კოლექტიურათ სცვლის, მაგრამ იგი მაინც კერძო საკუთრებათ რჩება. და ამ საკუთრებიდან, რასაკვირველია გლეხი, წინააღმდეგ პროლეტარისა, განსაკუთრებულ სარგებლობას მიიღებს. ამისთვის იგი მას დაიცავს, განავითარებს და გაამაგრებს და ამასთანავე არას გზით ნებით არც დასთმობს. კოოპერაცია (ან მათი კავშირი) კერძო—უფლებრივ კავშირათ რჩება. სოციალიზმში ვადასასვლელათ საჭირო გახდება ამ კოოპერატიულ წარმოების მესაკუთრეების ექსპროპრიაცია.“ (H. Сухановъ, „Наши направлениа“. 59 გვ. ხაზი ავტორისა).

ამნაირათ გლეხს მისი მდგომარეობა არ უკარნახებს სოციალიზმს, როგორც პროლეტარს, ეს თუ გნებავთ იმ ფაქტიდანაც სჩანს, რომ გლეხის სოციალისტური ბუნება ფეოდალიზმის დროს არ გამოაშკარავდა, თუმცა ტანჯვაში, სიღარიბეში გლეხი მაშინაც იმყოფებოდა. სოციალიზმი ახალი მოვლენა არის, იგი ახალ კლასის—პროლეტარიატის მისია და დანიშნულებაა.

მაგრამ ჩვენ ამ საკითხის მეორე მხარეც გვანტერესებს. გლეხობა, როგორც საწარმოვო იარაღთა მესაკუთრე, წვრილ ბურჟუაზიული ელემენტია; წვრილ-ბურჟუაზიის მდგომარეობა კი საზოგადოთ რყევაშია, იგი

შუა გზაზე გაიჩრებული კლასია, რომელიც თანდათან მცირდება; ნაწილი მისი პროლეტარათა რაზმს უერთდება, ნაწილი კი ბურჟუაზიისას. ეს ის სათადარიგო რაზმია, თუ შეიძლება ასე ითქვას, რომლიდანაც იყვება ამ ორ მოწინააღმდეგე კლასთა შემადგენლობა. „იგი, როგორც ტურატი ამბობს, არც ფრინველია და არც თევზი“. ამასთან ბევრია მასში ნახევრათ პროლეტარული ელემენტები, პარტეკლიარული გლენობა, რომელიც მკიდრო დამოკიდებულებაშია პროლეტარიატთან. ამისთვის გლენობის ფსიხიკაც და შეგნებაც ერთგვარ რყევას გამოჰხატავს. რამდენადაც ის თავის წვრილ საკუთრებას იცავს ხშირათ კონსერვატორობს და ისტორიის ჩარხის უკუღმა დატრიალებასაც სცდილობს; მაგრამ რამდენათაც იგი ახლოა პროლეტარათა რაზმთან ხშირათ მის იდეოლოგიას ითვისებს და ფსიხოლოგიურათ მუშის თვალსაზრისზე დგება. ამ მოვლენას, რასაკვირველია, თავისი ეკონომიური სარჩულიც აქვს; კაპიტალიზმის ბატონობა თანდათან გლენსაც გაუფალ ბადეში ჰხვევს და ყოველმხრიდან ემუქრება; იგი მუდმივ რყევაში არის; ამისთვის მათში გასავალი აქვს ხშირათ სოციალისტურ აზრების პროპაგანდას მაგრამ როცა გლენი სოციალისტი ჰხდება, იგი თავის სპეციფიურ ფსიხიკიდან პროლეტარის თვალსაზრისზე გადადის; რწმუნდება, რომ წვრილმა მიწათმფლობელობამ დრო მოსკამა და მას ძველ მკვიდრს ნიადაგს ველარაფერი დაუბრუნებს. ამავ დროს ის გრძნობს ქარხნის მძლავრს ქშენას, მას ესმის მედგარი ხმა პროლეტარიატისა, ხან თვით იძულებულია ქალაქს მიაშუროს და აიყველა ამას გლენი კერძო შემთხვევაში მიჰყავს სოციალისტურ შეგნებამდის.

ამის შემდეგ ადვილათ მივხედებით მარქსის და ენგელსის მიერ „კომ. მანიფესტში“ გლენების შესახებ ნათქვამ სიტყვების მნიშვნელობას, რომელნიც ასე აფრთხობენ ბერს. „საშუალო ნაწილები, როგორც მაგ. გლენები—ამბობს მარქსი და ენგელსი,—ებრძვის ბურჟუაზიას თავისი საშუალო ძდომარეობის შესანარჩუნებლათ. მაშასადამე ისინი კონსერვატორებია; კიდევ მეტი ისინი რეპციონერები არის; ისინი მისიწრაფიან ისტორიის ბორბალი უკას დააბრუნონ. და თუ მათ რევოლუციონური მსიშენელობა აქვთ, ეს იმდენათ, რამდენათაც იმათ მოვლის პროლეტარათა ბანაკში გადასვლა; რამდენათაც ისინი იცავენ არა ახლანდელ, არამედ თავის მერმინდელ ინტერესებს; რამდენათაც ისინი თავის შეხედულებას სტოვეენ და იოვისებენ შეხედულებას პროლეტარიატისას“. (ხაზი ჩვენია).

ყველა ნათქვამიდან შემდეგი დასკვნა შეგვიძლია გამოვიტანოთ. „ბუნებით კოლექტიურ კლასათ ერთობერთ პროლეტარიატი ჩაითვლება“. — თანამედროვე მეცნიერული სოციალიზმი — არის პროლეტარული სოციალიზმი და ამასთანავე ნამდვილი სოციალისტური პარტია პროლეტარული პარტია უნდა იყოს. მაგრამ ეს შეხედულება არ უარყოფს გლენებში ინტენსიურ მუშაობის საჭიროებას, რადგან გლენს, ზოგიერთ შემთხვევაში, შეუძლია შეითვისოს სოციალისტური აზრები.

ასეთია მარქსიზმის შეხედულება გლენისა და პროლეტარის სოციალოგიური ბუნების შესახებ.

—ა.—ი.

ჩვენი სალაგი.

მარქსიზმის მოციქულებო,
კირიმე თქვენი სულსა,
თქვენა ხართ ჩვენი იმედი,
გამხარებელი გულსა.

მაშინა ჰხატავთ ჩვენს ზრახვებს,
როს ამტკუველებთ ენასა...
გულწრფელათ ეხარობთ მუშები,
ვეძლევით აღმაფრენასა.

გავციებით წინა, გვასწავლეთ
მოძღვრების ანი-ბანია...
რომ სწორედ შეგქმნათ ცხოვრება,
შეცვალოთ მთა და ბარია.

ახალგაზრდა მუშა ვ. მაისურაძე

თანამედროვე კაპიტალისის განვითარების ფორმები და სოციალიზმი.

III. სოციალ-დემოკრატია და იმპერიალიზმი.

იმპერიალიზმთან დამოკიდებულების დროს საერთაშორისო სოც.-დემოკრატიაში განხეთქილებამ იჩინა თავი. კერძოთ გერმანიის სოც.-დემოკრატია ამ კითხვამ გაპყო სამ ნაწილათ; პირველი ჯგუფი, მემარჯვენე, (კუნოვის მეთაურობით), იმპერიალიზმს სთვლის აუცილებელ პროგრესიულ ძალათ და თითქმის მხარს უჭერს მას. ლენინი ამის შესახებ სწერს: „ეს იმ კარიკატურას წაავს, რომელსაც 1894 წ. რუსის ნაროდნიკები ხატავდენ. თუ მარქსისტები კაპიტალიზმს რუსეთში აუცილებელ და პროგრესიულ მოვლენათ სთვლიან, უნდა გააღონ სამიკიტრო და ამით ხელი შეუწყონ კაპიტალიზმის განვითარებასო“. მეორე ჯგუფი (ეგრედ-წოდებული „ცენტრი“, რომლის სათავეშიც სდგას კაუცკი) არ სთვლის აუცილებელს იმპერიალიზმის მიერ წარმოებულ პოლიტიკას (რასაკვირველია იქნება აუცილებელი, თუ სათანადო წინააღმდეგობა არ გაეწია), ამიტომ მოუწოდებს პარტიას, აქტიურ ბრძოლისაკენ მასთან. რაც შეეხება მესამე ჯგუფს (მემარცხენე, როზა ლიუქსემბურგის მეთაურობით) ის ამ იმპერიალიზმთან ბრძოლას სთვლის ოცნებათ და უნაყოფოთ, თუ ძირიანათ არ იქნა შეცვლილი თვით კაპიტალისტური წესი წარმოებისა; იმპერიალიზმს

პროლეტარიატი, მათი აზრით, მხოლოდ სოციალიზმს დაუპირდაპირებს. მაგრამ განგების ირონიით, ისინი, ვინც უნდა მოახდინოს „სოციალური რევოლუცია“, ჯერ კიდევ სანგრებში სხედან თავისივე ძმების პირისპირ.

იმპერიალისტურ პოლიტიკის აუცილებლობის და მის შედეგის—საერთაშორისო ომის შესახებ კაუცკი ჯერ კიდევ 1911 წ. სწერდა: „ინგლისს და საფრანგეთს შიშვე ტვირთად აწევბა შეიარაღების ხარჯები, ისინი დიდი სიამოვნებით შეამცირებდნენ ამ ხარჯებს, მით უმეტეს, რომ ეს მათ ხალხში დიდ უკმაყოფილებას იწვევს; მაგრამ მათ ეშინიათ მარტონი არ დარჩენ; ამასთანავე „სამთა კავშირის“ ქვეყნები არ არიან თანახმა ამ გზას დაადგენ“. კაუცკი იძლევა წინადადებას დემოკრატიის ყველა ძალების შეკავშირებისა იმპერიალიზმთან საბრძოლველად, რაც ათასჯერ უკეთესი საშუალება იქნებოდა, ვიდრე „შავის კონფერენცია“ და სხვ. მისი აზრით ეს ომამდის უნდა განხორციელებულიყო, რადგან დაწყებულ ომის შეჩერება ყოველთა შეუძლებელია; შეუძლებელია მოქმედება რადიკალურად მაშინ, როცა გამეფებულია „სამხედრო წესები“—ცენზურა და შიში მტრის შემოგვისა. კაუცკი უტოპისტებათ სთვლის ყველა მათ, ვისაც ომის გათავება, და შეწყვეტა საერთაშორისო გეოცივით ჰსურდა.

როცა კაუცკის ეუბნებოდნენ მარტხნიდან, ბურჟუაზიულ წესწყობილების პირობებში იმპერიალისტურ პოლიტიკასთან ბრძოლა არა ნაკლები უტოპია არისო, —იგი ამაზე უპასუხებდა; თუ თქვენ მართალი ხართ, მაშინ არამც თუ იმპერიალისტურ პოლიტიკასთან ბრძოლა, რვა საათის საშუალო დღის მოთხოვნა და სხვა დემოკრატიული რეფორმებიც ბურჟუაზიულ წესწყობილების ფარგლებში უტოპია და ფუჭი ოცნება ყოფილა. ჩვენ კი კაუცკის ამ სიტყვებს დაუმატებდით იმას, რომ თუ ასე მიუღებთ მით საკითხს, ფიქცია ყოფილა აგრეთვე რუსეთის დემოკრატიის მოთხოვნილება „ზავი უანექსიო და უკონტრიბუციაო, ერთა თვითგამორკვევის პრინციპზე აგებული“.ამ ლოზუნგს როგორც ვიცით ლენინიც იზიარებს (ყოველ შემთხვევაში ჯარ.კ. და მუშ. დებ. საბჭოების პირველ ყრილობაზე, გარკვევით იცავდა ამ პრინციპებს). ამას დაუქირეს მხარი გერმანიის მემარტხენე ამხანაგებმაც. და აი ~~შუ~~ სუყველა ეს ოცნება და უტოპია, მაშ მართალი

ყოფილა გენ. ალექსეევი, რომელმაც პირველათ მოწათლა ამ სახელით რუსეთის რევოლუციონური დემოკრატიის მოთხოვნილებანი.

ტროცკი კი ამ მოთხოვნილებებს თავის „ზავის პროგრამა“—ში უტოპიურს ეძახის. „ამ „სამართლიან“ ნაციონალურ ვადამიჯენის მეორე დღესვე, ამბობს ის, ისევ აღიძვრებიან კაპიტალისტური სურვილები, დაიწყება ბრძოლა, ომი და ხელახალი შელახვა ყოველ წმინდა პრინციპებისა. ეს იმას მომავონებს, როცა გატაცებული მოთამაშენი იძულებული არიან „სამართლიანათ“ გაჰყონ თავიანთ შორის ოქრო, რათა შემდეგ გოარკვეებულ ძალით შეუდგენ იმავე თამაშობას“ (Троцкий: „Программа мира“—გვ. 17,18).

როცა ტროცკი ამბობს „იძულებულნი არიან“ აღბათ ის რაღაც მესამე ძალას ჰგულისხმობს, და ამ მესამე ძალათ კი ამ შემთხვევაში დემოკრატია არის; ყოველ შემთხვევაში დემოკრატიის ჩარევის შეუძლე „გოარკვეებულ ძალით“ ვეღარ შესძლებენ იმპერიალისტები ძველი თამაში განაგრძონ, თვით აზარტული მოთამაშენიც კი იძულებულნი არიან თამაშს თავი დაანებონ, როცა საქმეში ჩაგრევა „მესამე“ ძალა—ადმინისტრაცია.

ამის მსგავსი რამ წარმოთქმულ იქნა უფრო ადრე ციმერვალდის კონფერენციაზე, როცა მარტოვა წამოაყენა დღევანდელი რუსეთის დემოკრატიის ლოზუნგი საერთაშორისო ომთან საბრძოლველად, ლენინმა მას „მემარტხენეთა“ სახელით „მეშჩანური“ უწოდა; მაშინ ლენინი ლოლიკის ფარგლებში რჩებოდა, ეხლა?..

მაგრამ დაუბრუნდეთ ჩვენს უმთავრეს საგანს. რასაკვირველია იმპერიალიზმთან ბრძოლის შესაძლებლობა, რომელსაც კაუცკი იცავს, სრულიად არ ნიშნავს ახალ-შენების როლის გაქარწყლებას, ეს იქნება მხოლოდ მათი ექსპლოატაციის ხასიათის შეცვლა. კაუცკის პარტია სცდილობს ჩამოაცილოს კაპიტალისტური სახელმწიფოები იმპერიალისტურ პოზიციებს და აიძულოს ისინი მშვიდობიანათ და თავისუფლათა გამოიყენონ ახალ-შენები. ხოლო ამ უკანასკნელთ მნიშვნელობა სამეურნეო ცხოვრებაში როგორიც იყო ისეთი დარჩება.

შემცდარია ამიტომ პ. მასლოვი, რომელიც ახალ-შენების მნიშვნელობას კაპიტალისტურ ქვეყნებისათვის მეორე ხარისხოვანათ სთვლის. პ. მა-

სლოცს თავისი აზრის დასამტკიცებლათ შემდეგი მაგალითები მოჰყავს („Экономич. причины войн“): „კოლონიალურმა პოლიტიკამ ამ უკანასკნელ წლებში, ამბობს ის, შეაფერხა დასავლეთ ევროპაში კაპიტალიზმის განვითარება. გერმანია, რომელსაც ახალ-შენები თითქმის არ გააჩნდა, უფრო ჩქარა განვითარდა ვიდრე სხვა, ახალ-შენებით მდიდარი ქვეყნები. მისი ვაჭრობა სხვის ახალ-შენებში ვაჭრობას, ახალ-შენების მმართველობის ხარჯებში კი გერმანია მონაწილე არ იყო. ყველა კოლონიალური ქვეყნები, ინგლისის გარდა, ჩამორჩნენ თავის ეკონომიურ გინვითარებაში“.

აქ მხოლოდ ფაქტების და ცნებების არეგ-დარევაა. ჯერ ერთი კოლონიალური ხარჯები იმდენათ დიდი არ არის, რომ მიმე ტვრითად დააწვეს მეტროპოლიას; და თუ გერმანია და მასთან იაპონია, ბელგია, შვერთ. შტატები და სხვ. განვითარდნენ ეს იმიტომ, რომ ინგლისის და საფრანგეთის კაპიტალისტები ვერ აკმაყოფილებდნენ საერთაშორისო ბაზარს. გერმანიის განვითარებას სრულებით არ შეუფერხებია ინგლისის და საფრანგეთის ეკონომიური განვითარება.

სხვა საქმეა თუ კითხვას ასე დავსვამთ: რისთვის განვითარდა გერმანია უფრო ჩქარი ნაბიჯებით, ვიდრე საფრანგეთი. ესეც ადვილი გასაგებია, თუ გავითვალისწინებთ იმ ფაქტს, რომ საფრანგეთს არ ჰქონდა საკმარისი ქვანახშირი და რკინა—ეს წარმოების ატრიბუტები. ამ განვითარებას ხელი შეუწყო აგრეთვე ბრაზილიასთან და რუსეთთან ვაჭრობამ, რომელიც ფაქტიურათ გერმანიის ახალ-შენი იყო.

ამნაირათ მასლოვის შეხედულება მოკლებულია რეალურ საფუძველს.

უკვე რამდენიმე ათი წლის გავმავლობაში იმპერიალისტური პოლიტიკა და ახალ-შენების ექსპლოატაცია — უმთავრესი მხარეა კაპიტალიზმის ეკონომიურ ცხოვრებისა. რასაკვირველია ყველა ეს შემთხვევითი ვერ იქნებოდა.

ლენინი ერთ თავის მეტად ტენდენციურ შრომაში („Импер., какъ новѣйшій этапъ развитія Капитализма“); სწერს: „ჩემგერლენი ჰქადაგებდა იმპერიალიზმს, როგორც „ბრძნულს ქეშმარიტ და სარფიან პოლიტიკას“; კონკურენტისაგან ხსნა მონოპოლიაშია (ახალ-შენების მონოპოლიაში — გ. ნ.)

—ამბობდნენ კაპიტალისტები და აარსებდნენ კარტელებს, ტრესტებს, სინდიკატებს. ხსნა მონოპოლიაშია — ბანს აძლევდნენ მათი პოლიტიკური წინამძღოლნი და მოუწოდებდნენ ჯერ თავისუფალ ადგილების დასაქვრათ“. „სესილ როდსი კი, განაგრძობს ლენინი, როგორც გვიამბობს მისი მეგობარი ჟურნალისტი სტედი — 1895 წ. თავის იმპერიალისტურ აზრების შესახებ შემდეგს ამბობდა: გუშინ მუშათა კვარტალში, ისტ-ენდში, შემთხვევით მოგხვდით უმუშევართა ყრილობაზე. ყველა აქ წარმოთქმულ სიტყვების აზრი ერთი იყო: პური, პური, ამის შემდეგ დავრწმუნდი, რომ იმპერიალიზმს დიდი მნიშვნელობა აქვს. ჩემი სანუკვარი აზრია სოციალური კითხვის გადაჭრა. თუ გვინდა ავიცილოთ სამოქალაქო ომი, უნდა შევიძინოთ ახალი ადგილები, რათა იქ გადავასახლოთ ნაწილი უმუშევართა და გავასალოთ ჩვენ ქარხნებში დამზადებული საქონელი. მე მუდამ ვამბობდი, რომ იმპერია კუქის კითხვა არის. თუ თქვენ სამოქალაქო ომი არ გინდათ, უნდა იმპერიალისტები გახდეთ“.

ამას ამბობდნენ ინგლისის იმპერიალისტები — ამას გაიმეორებს მისი სხვა ქვეყნის მოძმე. რომ არ შემეცირდეს მოგება და მასთან სამოქალაქო ომიც რომ არ გამოიწვიონ — სესილ-როდსებს დარჩენიათ იმპერიალიზმის ქადაგება. როდესაც კაპიტალისტის მოგება შცირდება, ისინი ამცირებენ სამუშაო ხელფასს ან აღიდებენ ზედმეტ ღირებულებას სამუშაო დღის გავრძელებით. ასეთია კაპიტალისტების ეკონომიურ ბრძოლის მეთოდი.

მაგრამ ახალ-შენები მეტი აღარ მოიძებნება, მათი რეალური ძალა თითქმის მთლათ ამოწურა. და აი განყენებულათ რომ ავიღოთ მარტო იმპერიალისტურ პოლიტიკის და ახალ-შენების ექსპლოატაციის პროცესი, კაპიტალისტური წყობილება ვერ უძლებს თავისივე საწარმოვო ძალების განვითარებას და კატასტროფისაკენ მიისწრაფის. ეს ფაქტი ააშკარავებს ამ წყობილების შინაგან წინააღმდეგობას, რომელიც მხოლოდ სოციალიზმმა უნდა შეაღვიოს.

და სოციალიზმისათვის მებრძოლი პროლეტარიატიც ამ მისიისათვის არის მოწოდებული.

გიორგი ნინოშვილი.

კოოპერაცია და ქართველი ს.-ფედერალისტები.

V.

საწარმოო კოოპერატივთა ბედი.

ზემოთ ჩვენ აშკარათ დავინახეთ, რომ სოც.-დემოკრატიას არ შეუძლია იყოს მტერი კოოპერაციისა. ამ ზრის საილიუსტრაციოთ ჩვენ შეგველო მოგვეყენა აუარებელი ფაქტები, მაგრამ ესლა ამას არ გამოუდგებოთ. შევეხოთ საქმის პრინციპიალურ მხარეს. რა სარგებლობის მოტანა შეუძლია კოოპერაციას? შეაჩერებს თუ არა იგი კაპიტალიზმის მსვლელობას?— ვნახოთ! აქსიომაა ის, რომ მრეწველობაში სხვილი კაპიტალი ამარცხებს წვრილს. ისიც აქსიომაა, რომ კაპიტალისტებს გაცილებით მეტი კაპიტალი აქვთ, ვინც კოოპერატივებს. აქედან დასკვნა: კერძო კაპიტალი წინდაწინვე გამარჯვებულია კოოპერაციასთან ომში. მაგრამ, გვეუბნებიან უტოპისტ-სოციალისტები, კოოპერატივები ხომ მრავლდებიან, იძენენ კაპიტალს, კავშირდებიან! — ისინი თუმცა ნელა, მაგრამ შეურყეველათ შეუდგენ კაპიტალისტურა წარმოების განდევნას წარმოების მთელი რიგ სხვა და სხვა დარგებიდან. უტოპისტ-სოციალისტები გვიხატავენ თვალწარმტაც სურათებს, თუ როგორ გაუსწრობენ კოოპერატივები კაპიტალის დაგროვებაში კერძო კაპიტალისტებს და ბოლოს კიდევ დაამარცხებენ მათ.

მაგრამ აქ კეთილ სურვილებს უფრო მეტი ადგილი აქვთ დათმობილი, ვიდრე სინამდვილეს. აქ ფაქტები უტოპისტთაგან ჩვეულებრივთა გაბერილია! მართლაც და ამ სურათებს მხოლოდ მაშინ ექნებოდეთ აზრი, თუ ჩვენ დაუშვებდით, რომ იზრდება და ძლიერდება— მხოლოდ ერთი მხარე— კოოპერატივები; მეორე მხარე კი— კაპიტალისტები— დგანან უძრავთ ერთ და იმავე ალაგს. მაშინ, რა თქმა უნდა, კოოპერატივები შემდეგში მათ სძლევენ. მაგრამ, მაგარიც ისაა, რომ კაპიტალისტები არ დგანან ერთ და იმავე ადგილზე; პირიქით, ისინი კოოპერატივებზე უფრო ენერგიულათ და მოხერხებულათა მუშაობენ: აფართოებენ წარმოებას, უკავშირდებიან ერთმანეთს, ადგენენ აქციონერულ საზოგადოებებს და სხვ. ამრიგათ, კოოპერაციის ზრდა-განვითარება იწვევს თავის მოწინააღმდეგე ტენდენციას— კაპიტალისტთა გაძლიერებას; ამიტომ

ბოლოს და ბოლოს ძალთა განწყობილება ისევ წინანდელი რჩება. შევეხოთ უფრო დეტალურათ ამ საკითხს! ერთ-ერთ წინა წერილში, როცა კოოპერაციის დღევანდელ ფორმებს შევეხეთ, ჩვენ ვნახეთ, რომ მექარხნებთან ბრძოლის დროს კოოპერაცია ყალიბდება ე. წ. საწარმოო კოოპერატივთა ფორმაში.

საწარმოო კოოპერატივები იყოფიან რამოდენიმე კატეგორიათ. მაგალითათ:

- 1) ამხანაგობანი, ნომენიცი ერთათ ასრულებენ რაიმე სამუშაოს და ჰყიდიან თავის შრომას (სამუშაო ძალას), ე. წ. **შრომის არტელები**.
- 2) ამხანაგობანი, რომელნიც ერთათ სარგებლობენ საწარმოო საშუალებით.
- 3) ამხანაგობანი, რომელნიც აწარმოებენ საქონელთ; ა) თავისთვის მოსახმარებლათ და ბ) გასასყიდათ.

ქვემოთ ჩვენ, როცა ვილაპარაკებთ საწარმოო კოოპერატივთა შესახებ, სახეში გვექნება მხოლოდ ეს უკანასკნელი კათეგორია. ამ უკანასკნელს ჩვენ ვხვდებით როგორც ქალაქებში, ისე სოფლათ.

საწარმოო კოოპერატივთა ეს ტიპი გამოიხატება იმაში, რომ ესა თუ ის მუშათა, ხელოსანთა, ან გლეხთა ამხანაგობა აწყობს ქარხნულ წარმოებას, და ამხადებს საქონელს გასასყიდათ იმ მიზნით, რომ გაუწიოს კონკურენცია მექარხნეთ, დაამარცხოს ისინი და ჩამოართვას მათ ორგანიზატორის როლი წარმოებაში. ნიშანდობლივი თვისება საწარმოო კოოპერატივთა, როგორც ამ ტიპის, ისე საზოგადოათ, გამოიხატება იმაში რომ ისინი თავის წრეში სობენ მუშის კაპიტალისტურ ყვლეფას. საწარმოო კოოპერატივი წარმოადგენს მუშათა თვითმმართველ ჯგუფს, რომელსაც არც ბატონი ჰყავს და არც არავის თავს აყვლეფინებს. ამიტომ ამხანაგობის წევრები თვითონ უნდა ასრულებდენ ყოველივე მუშაობას ქარხანაში; დაქირავებულ შრომას აქ ალაგი არ უნდა ჰქონდეს.

რა შედეგებს მოგვეცემს ასეთი კოოპერატივები? საწარმოო კოოპერატივს მექარხნესთან ბრძოლაში მუდამ წინ ელობება შემდეგი დაბრკოლებანი:

- 1) **კაპიტალის უქონლობა, თანხის სიმცირე.** ჩვენ ზემოთაც მოვიხსენიეთ, რომ საწარმოო კოოპერატივებს კაპიტალისტ მექარხნებთან შედარებით, გაცილებით მცირე და თითქმის უმინიშნე-

ლო თანხა აქვთ; ამიტომ ისინი ვერ უძლებენ კაპიტალისტების კონკურენციას და მარცხდებიან უთანასწორო ბრძოლაში. უტოპისტ სოციალისტებს აქ სხვათა შორის დიდი იმედი აქვთ საკრედიტო კოოპერატივებისა, რომელნიც მათის მოლოდინით ამ შემთხვევაში მიაწვდიან საწარმოო კოოპერატივებს საქირო თანხას და იხსნიან მათ ამ გაჭირვებისაგან. რომ კოოპერატიულ კრედიტს დიდი სარგებლობის მოტანა შეუძლია საზოგადოთ, — ეს უცილოა, მაგრამ ამ გზით აღებული თანხის მეოხებით სხვილ კაპიტალისტთა დამარცხებაზე ფიქრი, მეტი რომ არა ვთქვათ, ილიუზიაა! დღეს საფინანსო კაპიტალს ხანაა. მოწინავე ქვეყნების (წარმოების მხრივ) დიდძალი და თითქმის მთელი კაპიტალები მრავალ წყაროებიდან თავმოყრილია ბანკების ხელში და აქედან უდგია სათავეში მთელ წარმოებას. ვინ არ იცის თუ რა ძნელია თვით კაპიტალისტთათვისაც კი ამ ბანკებში კრედიტის მოპოვება. თუ მექარხნებს არა აქვს ფართო პირადი ნაცნობობა, დიდი პროტექციები, ძლიერ საეჭვოა, რომ იგი ელიტის კრედიტს, თავის თავათ ცხადია, რომ საწ. კოოპერატივებს ეს ბანკები კრედიტს არ გაუხსნიან. საკრედიტო კოოპერატივები კი, რომელთა თანხა სახსენებელიც არაა ზემოაღნიშნულ ბანკებთან შედარებით, ცხადია ვერას დროს ვერ მისცემენ საწარმოო კოოპერატივებს იმდენ თანხას, რომ უკანასკნელნი გაუშკლავდნენ კერძო მექარხნეთა კონკურენციას.

უფრო სასაცილოა, რა თქმა უნდა, კერძო შემოწირულებათა იმედეზე დამყარება. საწარმოო კოოპერატივებს ვერ უშველის ვერც მთავრობათა დახმარება, რასაც დღეს დიდი ალავი უჭირავს მათ ცხოვრებაში.

საფინანსო კაპიტალის ტუზებს ვერვინ გაუბედავს ურჩობას!

„სხვილ ფინანსისტებს, ამბობს კრუცკი, თავის წარმოშობის დღიდანვე — სახელმწიფო ვალების მეოხებით ჰყავთ მთავრობები თავიანთ გავლენის ქვეშ. თანაუდროვე საფინანსო კაროლები ხომ თავიანთ კარტელების და ტრესტების მეოხებით უმეშვეოთ ბრძანებლობენ მთელ ნაციასზე; მათ ექვემდებარება მთელი წარმოება“. *) და სხვ.

*) К. Каутский, Сборник статей, гл. 74, Петербургъ, 1906 г.

ცხადია, რომ ამ კაროლებთან ბრძოლის დროს საკრედიტო კოოპერაციას რქები არ შერჩება! ით აქაა საწარმოო კოოპერატივთა ტრადედიის სათავე!

„უმთავესი მიზეზი (საწარმოო კოოპერატივთა სისუსტესა), ამბობს ს. პროკოპოვიჩი, არის მათი წვერთა ნივთიერი ხელმოკლეობა. მაგ. პავლოვის ამხანაგობას სჭირია მოძრავი კაპიტალი 470 მან. თვითეულ წვევრზე, მოსკოვის გუბ. ამხანაგობებს 220 მან. წვევრზე, საქონლის ნისიათ გაყიდვას ეს რიცხვები აჰყავს 300 მ.—600 მან. წვევრზე.

იმის მოლოდინი, რომ ჩვენი ხელოსნები ან შინამრეწველები შეგაროვებენ ამ თანხას — ფუჭი ოცნებაა. ამიტომ საწარმოო კოოპერატივებს საქმის მოსაგვარებლათ მულამ ესაქიროებათ გარეშე დახმარება ფულოთ. ერობა და კერძო პირები თითქმის მულამ შედიან მათ მდგომარეობაში და აძლევენ მათ ფულს საქმის დასაწყებ მოსაგვარებლათ, მაგრამ როგორ შეიძლება მთელი საქმე ვალით აწარმოო! აქედან, რამდენათ უფრო ძვირია ნედლი მასალა და საწარმოო იარაღები, იმდენათ ძნელია საწარმოო კოოპერატივთა დაარსება*.) უფრო შორს მიდის ტუგან-ბარანოვსკი, რომელიც ამტკიცებს, რომ „მრეწველობის იმ დარგში, სადაც ნედლ მასალას ყიდულობენ, ჩვენ თითქმის ვერ ვხვდებით საწარმოო კოოპერატივებსო“. **) (კურსივი აქ ყველგან ჩემია. ს. მ.).

2) მეორე დიდ დაბრკოლებას კაპიტალიზმთან ბრძოლაში საწარმოო კოოპერატივებისათვის წარმოადგენს მათ წვერთა კომერციული მოუზნადებლობა-გამოუცდელობა, სავაჭრო-სამრეწველო ცოდნა-უნარის უქონლობა“. ყოვლად წარმოუდგენელია (საწარმოო კოოპერატივებში) საქმის წარმოება, ამბობს ა. ნ. ვეგუნოვი, თუ მათ სათავეში არ უდგიათ ნიჭიერი და ავტორიტეტული ხელმძღვანელი, რომელიც უნდა იცნობდეს როგორც ნედლი მასალის შესაძენ, ისე დამზადებულ საქონლის გასასყიდ ბაზრებს; რომელსაც შეეძლოს მუშტარიც მიიზიდოს და არც შრომის ენერგია შესუსტოს; არც არავინ გაანებივროს და ძლიერსაც არავის აწყენინოს; ამასთანავე იგი არ უნდა შეუშინდეს მნიშვნელოვან

*) С. Прокоповичъ, Кооперативное движ. въ Россіи. гл. 103—9.

**) М. И. Туганъ-Барановскій. Къ лучшему будущему, гл. 114, 1912 г.

„რისკაც“ კი, როცა საეჭვოთ ეჩვენება მომავალი გამარჯვება“ და სხვ. *).

ამავე აზრს უფრო დაბეჯეტებით- სხვათა შორის გამოსთქვამს პროფ. ისაევი თავის წიგნში „არტლები რუსეთში“. **).

რა თქმა უნდა, ყველა ის ჩვენ მუშებს, გლეხებს და ხელოსნებს არ შეგვიძლია მოვთხოვოთ; ეს თვისებანი ვაპარ-მრეწველთა მონაპოლის შეადგენენ.

3) საწარმოო კოოპერატივთა მესამე სუსტ მხარეს წარმოადგენენ მათ წევრთა უდისციპლინობა. ამ უკანასკნელის მიზეზი მდგომარეობს იმაში, რომ კოოპერატივის წევრებს არ შეუძლიათ მოაწესრიგონ საქმის სავაჭრო მხარე: ხარჯთ აღრიცხვა, ანგარიში, შინაგანი წესრიგი და სხვ. დაქირავება მათ, მით უმეტეს პირველიდანვე, არ შეუძლიათ. კიდევ რომ მოავგარონ ეს საქმე, კანტროლი არ შეუძლიათ გაუკეთონ მოსამსახურეებს. ყველა აქედან წარმოსდგება ურთიერთ შორის იკვიანობა, უნდობლობა, ხშირათ კი ჩხუბი და აყალმაყალი, რაც ბოლოს იწვევს ამხანაგობის დაშლას. „... დიდ ამხანაგობებს, ამბობს ა. გ. შტანგე, უფრო ადვილათ შეეძლოთ გამკლავებოდნენ ამ ბოროტებას, მაგრამ მათ დასაარსებლათ ხომ სულ ძნელია ნივთიერ საშუალებათა გამოჩახვა! დიდი სესხის აღება იმ ამხანაგობისათვის, რომელსაც ჯერ არც კი მოუკიდია ხელი წარმოებისათვის და არ გამოუჩენია თავისი თავი საქმეში, პირდაპირ შეუძლებელია“ და სხვ. ***).

აი ასეთია მოკლეთ ის უმთავრესი დაბრკოლებანი, რომელნიც წინ ეღობებიან საწარმოო კოოპერატივებს მექარხნებთან ბრძოლაში. თანხის სიმცირე, კომერციული გამოუცდლობა-მოუშვადებლობა და წევრების უდისციპლინობა,—აი ის სამი ნიშანი, რომელიც წინააღმდეგ გვამცნობს ბრძოლის საბედისწერო შედეგს საწარმოო კოოპერატივთათვის, მათ სასტიკათ დამარცხებს!

ს. მიხელიძე.

*) ციტატა ამოღებულია პროკოპოვიჩის აქვე აღნიშნულ წიგნიდან, გვ. 110.

***) Проф. Исаевъ. Артели въ Россіи, გვ. 292.

***) იხ. Трудъ съѣзда дѣятелей по кустарной промышленности въ Россіи, Спб., 1910 წ. ტომი II, გვ. 24—25. ციტატა ამოღებულია პროკოპოვიჩის ზემოაღნიშნულ წიგნიდან.

სალამი „ახალ კვალს“.

სალამი ძველი „კვალი“-ს მემკვიდრეს, რომელიც განახლებულ ქვეყნის ცხოვრებაში ავლენს ახალ კვალს და ახალგაზრდა მეტროპოლის გულგონებაში სთესავს საკაცობრიო იდეალების საუკეთესო, მეცნიერულ თესლს!..

სალამი იმათაც, ვინც ეს სასიქადულო გუთანი გააწყო, ჯამბარა გაქიმა და ქაპანი გასწია ხოდაბუნებსავით უხვ და ნოყიერ ახალგაზრდა გულგონებათა სახნაგ-სათესათ!..

სალამი გულწრფელი, გულ-მხურავლე სალამი!.. სალამი საკაცობრიო იდეალებით აღზნებულ და პროლეტარიატის სიყვარულით ანთებულ ნორჩ, ფაქიზ და წმინდა გულებს, რომლებიც ანგარებით აღსავსე კაპიტალისტურ ცხოვრებას ვერ დაუმანინჯებია, რომლებზედაც თავისი უკუღმართობის და უსამართლობის ქუეყი და ტალახი ვერ დაუყრია, რადგანაც ახალგაზრდობის გულში გაღვივებულ ცეცხლის ალი ყველაფერს ამას სწვავს და ფერფლათ აქცევს!..

სალამი ძველი თაობის ღირსეულ მემკვიდრეთ, რომლებმაც უკვე ღრმათ და მკვიდრათ ჩაყრილ საძირკველზე უნდა ამოაშენონ დიდი შენობა სოციალიზმი, ტანჯულ ქვეყნის და კაცობრიობის საკეთილდღეობათ!..

სალამი ღირსეულ შვილებს ღირსეულ მამებისა! თქვენ უნდა ჩამოართვათ მათ ბრძოლის ქარცეცხლში და წითელ ტალღებში ამოვლებული დიდი დროშა და მომავლის ღრმა რწმენა—იმედით ააფრიალოთ ცხოვრების ჩარხის წალმა ასაბრუნებლათ.

სალამი პროლეტარიატის მონაბის და ჩაგვრის ხუნდ ჯაჭვების საბოლოო დამმსხვრევ-დამლეწველთ!..

სალამი შრომისა და ბრძოლის მეტრებს და გუთნის დედებს, ვინც კაპიტალიზმისაგან წარმოშობილ ბოროტება-ღვარძლს თავის გაღმასებულ სახნის-საკვეთს მძლავრათ დაუგდებს, ძირფესვიანათ საბოლოოთ ამოადგებს, რაც ქვეყანაზე ბოროტება გამეფებული და მის ნაცვლათ სოციალიზმის საღ თესლს უხვათ მოაზრებს!..

ძველმა გუთანმა თუ თვითმპყრობელობა ამოაგდო, ახალმა ბურჟუაზიული ქვეყანა სოციალი-

სტურათ უნდა შესცვალოს.

და აი, ამიტომაც კვლავ სალაში მათ, ვინც კაპიტალიზმის ნანგრევებზე შრომის წმინდა სამეფოს ააგებს და ზედ გამარჯვებული მარჯვენით სოციალიზმის წითელ დროშას ააფრიალებს!

ს. პართენაშვილი.

ამიერ კავკასიის ასახვასწრა ქარქისტიანთა ორგანიზაციის პირველი კონფერენცია.

(მეოთხე სხდომა, 19 იანვარი).

გრძელდება კამათი ფანანსიურ საკითხის ვარშემო. ამხ. ს. ტაბიძე იმის შემდეგ, რაც კონფერენციამ განსაზღვრული დადგენილება მიიღო ცენტრ. ორგანოს შინაარსის შესახებ, მოსალოდნელია, რომ ყველა ორგანიზაციები არ გაიღებენ თავიანთ წვლილს ამ ორგანოს სასარგებლოდ. *) ამხ. ს. მიხელიძე ერთგვარ მუქარას ხედავს ამხ. ტაბიძის განცხადებაში და წინადადებას იძლევა, ნუ მიექცევა ამას ნურავითარი ყურადღება. ქუთაისელი დელეგატი (ტაბიძე) კვლავ იმეორებს, რომ ქუთაისის ორგანიზაცია არ გაიღებს წვლილს... ეს განცხადება საერთო გაუგებრობას იწვევს კრებაზე... მეორე ქუთაისელი დელეგატი (ილ. ჯულუღაი) არ იზიარებს ტაბიძის ასეთ განცხადებას. ამხ. ს. მიხელიძე ხედავს ს. ტაბიძის განცხადებაში უკანა აზრს და მოითხოვს ფარდა ახალის განცხადების შინაარსს. იგი სხვათა შორის ამბობს: უბრალო დემოკრატიზმი მოითხოვს, რომ უმცირესობა უმრავლესობას დამოკრიხოლოს.

კამათის შეწყვეტის შემდეგ კრება იღებს შემდეგ წინადადებას: შესდგეს ერთდროული წინასწარი თანხა 3000 მან., რომელიც 1 თვის განმავლობაში უნდა გადაიხადონ ყველა ორგანიზაციებმა. **).

იბადება კითხვა: რა გზას უნდა დაადგეს ცენტრალური კომიტეტი, თუ ორგანიზაციის უკმაყოფილო ნაწილი განიზრახავს საკუთარი ორგანიზები გამოსცეს. ამის შესახებ კონფერენცია იღებს ამხ. ს. მიხელიძის შემდეგ რეზოლუციას: „კონფერენცია, იღებს რა მხედველობაში ჟურნალის შესახებ თავის დადგენილებას, დასძენს: უკეთეს ადგილობრივად გამოიკემა ბექედითი ორგანიზები, — **ისინი უნდა ატარებდენ ჯგუფის ხახელს.** აშხანაგებს, რომ-

*) ეს დადგენილება უკვე დაიბეჭდა ჩვენს ჟურნალში (იხ. „ახ. კვ.“ № 3). მ. ჩ.

**) თვალისის ორგანიზაცია იხდის 1000 მან., ქუთაისის—600, ლანჩხუთის—50, ოზურგეთის—100, ხაშურის—200, ხიდისთავის—100, ჩოხატაურის—100, ქიათურის—100, ლიხაურის—50, სამტრედიის—100, მ., ფოთის—200, სუფსის—100, მ.; აქ არ არის აღნიშნული ზოგერთი ორგანიზაციები, საიდანაც დელეგატები არ ამოცხადებულან.

ლებიც კონფერენციის შეხედულებას იზიარებენ, დაევალოს, ნურავითარ მონაწილეობას ნუ მიიღებენ ჯგუფურ გამოცემებში. ცენტრალური ორგანო არავითარ დახმარებას არ გაუწევს ასეთ გამოცემებში“.

ასეთ დადგენილების შემდეგ ქუთაისელი დელეგატები აცხადებენ, რომ ისინი ვადაჭრით ვერ იტყვიან, გაიღებს თუ არა ქუთაისის ორგანიზაცია ცენტრ. ორგანოს სასარგებლოდ ხვედრ წვლილს. ამ განცხადებას უერთდებიან ბათუმელი დელეგატებიც.

შემდეგ მცირე შესწორებით კონფერენცია ამტკიცებს განსაკუთრებულ კომისიის მიერ შემუშავებულ წესდების პროექტს და სამაქალაქო გვემის ზოგად პრინციპებს. პროექტები საბოლოო სარედაქციო და შესასესებათ ცენტრალურ კომიტეტს გადაეცა. წესდება და პროგრამა ახლო მომავალში უნდა დაიბეჭდოს სამ ენაზე (ქართ., რუს., და სომხ.) და გავგზავნოს ორგანიზაციებს.

კრება გადადის მიმდინარე კითხვებზე. ისმება საკითხები: 1) პოლიტიკური ეკონომია სასწავლებლებში, 2) ორგანიზაციის გავარითოება და 3) ახალგაზრდა მუშები და ჩვენი ორგანიზაცია.

ამ საკითხების გარჩევა უდროობის გამო შემდეგ სხდომისთვის გადაიღო.

(საღამოს სხდომა).

კრების გახსნისას ამხ. ბერაძე მიზეზის აღწერისათვის ხსნის დღის წესრიგიდან მის მიერ შემოტანილ საკითხს ახალგაზრდა მუშების შესახებ. ირჩევა სხვა საკითხები. მცირე კამათის შემდეგ კონფერენციას გამოაქვს შემდეგი დადგენილებები.

პოლიტიკურ ეკონომიის სწავლების შესახებ— დაევალოს ცენტრ. კომიტეტს შესაფერი მოხსენების შედგენა და გავზავნა, სადაც ჯერ არს; აშხანაგებს ევალუბათ შესაფერი ავტორის გაწევა, რათა ადგილობრივად მოწაფეებმა მოითხოვონ საშუალო სასწავლებლებში პოლიტიკურ ეკონომიის სწავლების შემოღება და ამით ხელი შეუწყონ დადგენილების ცხოვრებაში ვატარებას.

ორგანიზაციის გავართოების შესახებ.— ორგანიზაცია ფაქტიურად ქართველებიდან შესდგება, — ამიტომ დაევალოს ცენტრ. კომიტეტს მიიღოს ყველივე ზომები არა ქართველების ორგანიზაციაში მისაღებათ; კონფერენცია ავალებს აშხანაგებს მიიღონ ენერგიული მონაწილეობა კერძო მოწაფეთა ორგანიზაციების მუშაობაში და ეცადონ იქ ჩვენი იღებების გავრცელება.

მიმდინარე კითხვების განხილვის შემდეგ კრება გადადის რეზოლუციების კენჭის ყრახზე. მიღებულ იქნა ამხ. ხუნდაძის რეზოლუცია მიმდინარე მომენტის შესახებ ამხ. ვ. ნიკურაძის შესწორებით (რეზოლუციას ხმა მისცა 22 კაცმა, წინააღმდეგ ერთმა, ხუთმა თავი შეიკავა). მოაბილიზაციის შესახებ წარმოდგენილ იქნა ორი რეზოლუცია: ერთი ამხ. მომხსენებლის (ვ. ნიკურაძე) და მეორე ამხ. ყიასაშვილის: „მოიხსინა რა მოხსენება მიბილიზაციის შესახებ და მიიღო რა მხედველობაში, რომ

მობილიზაცია არ წარმოადგენს აუცილებელ საჭიროებას და ეწინააღმდეგება სოც.-დემოკრატიის ძირითად პრინციპებს,—კონფერენცია აღიარებს ამ ზომის მიზანშეუწონლობას და მოითხოვს სახალხო მილიციის მოწყობას*. მიღებულ იქნა ახს. ვ. ნიკუარაძის რეზოლუცია (ხმა მისცა 20 კაცმა, წინააღმდეგ ხუთმა და ხუთმაც თავი შეიკავა *).

ბოლოს ხდება ცენტრალურ კომიტეტის და საკანტროლო კომისიის არჩევნები. ცენტრ. კომიტეტში არჩეულ იქნენ: (9 კაცი) დ. ორაგველიძე, (ყვირილა) ი. ჯუღელი (ჭუთაისი), გ. მგელაძე (ხაშური), მ. გოგიბერიძე (ხონი), ბ. რამიშვილი, ს. მიხელიძე, ვ. ნიკუარაძე, მ. ხუნდაძე და მ. ჩაჩუა (თფილისი); ით. კანდიდატებთა: (3) ა. ჭყონია (ბათუმი), ე. კლანდარაშვილი და დ. ლომთაძე (თფილისი). საკანტროლო კომისიაში: (5) ვ. მამეკვიჩი, ვაბილია, დ. თევზაძე, მ. წიფვიძაძე და ა. დუღუშაძე.

სანამ კონფერენცია დაიხურებოდა, თავმჯდომარემ მიმართა მას მოკლე სიტყვით, რომელშიაც მოუწოდა ამხანაგებს პირნათლად გაატარონ ცხოვრებაში კონფერენციის დადგენილებები. ფუსურვებთ ორგანიზაციას, ამბობს ის, ენერგიულ და ნაყოფიერ მუშაობას თავის წევრთა და მთელ მუშათა კლასის საკეთილდღეოდ. გერწამს, რომ იდეია, რომლის გულისთავისაც ჩვენ აქ შევიკრიბეთ, არას დროს არ მოკვდება და ეს კი საუკეთესო გარანტია იქნება დასახულ მიზნების განსახორციელებლათ.

ბ. ჩ.

ახალგაზრდა მარქსისტთა შორის.

ქ. ლანჩხუთი.

23 იანვარს 1918 წ. შესდგა ადგილობრივ ახალგაზრდა მარქსისტთა ორგანიზაციის წევრთა საერთო კრება. განსახილველი იყო შემდეგი საკითხები:

- 1) კონფერენციის დელეგატის მოხსენება.
- 2) ბიუროს მოხსენება.
- 3) პასუხისმგებელ კორესპონდენტის არჩევა.
- 4) განცხადებები.

ამიერ კავკასიის ახალგაზრდა მარქსისტთა კონფერენციის მუშაობის შესახებ მოხსენებას აკეთებს ახს. კ. ორაგველიძე. მან ვრცლათ ილაპარაკა იმის შესახებ, თუ რომელ კითხვებზედ რავგარი რეზოლიუციები გამოიტანეს ან რატომ. გააცნო კრებას მოკლეთ წესდების და სახელმძღვანელო პროგრამის შინაარსი, ვრცლათ შეეხო თურნალის და პროვინციალურ ორგანოების საკითხს;

* კონფერენციაზე მიღებული რეზოლიუციები უკვე დაიბეჭდა ჩვენს თურნალში (იხ. ახს. კვ. № 3), მ. ჩ.

შემდეგ გააცნო კრებას ცენტრალური კომიტეტის და საკანტროლო კომისიის შემადგენლობა. კრება სიხარულით ეგებება განცხადებას, რომ კონფერენცია აკავშირებს 2500-მდე ახალგაზრდას. მომხსენებელმა შეადარა ეს კონფერენცია ყოფილ მოწაფეთა კონფერენციებს და აღნიშნა პირველის დიდი მნიშვნელობა ახალგაზრდობის შეკავშირების საქმეში. კრება უტკვლევად ღებულობს რეზოლიუციებს მიმდინარე მომენტზე, ახალგაზრდობასა და მობილიზაციაზე და სხვ. კამათს იწვევს მხოლოდ შინაარსი ჩვენი ცენტრალური ორგანოსი. ამხანაგებმა აღნიშნეს, რომ რაკი ორგანიზაცია გაეროიანებულია, თურნალში სხვა ფრაქციის ახალგაზრდებსაც უნდა მიეცეს წერილების წერის უფლებაო.

ეს პირდაპირ ლოლიკურად გამომდინარეობს იმ რეზოლიუციიდან, რომელიც კონფერენციას ორგანიზაციის შესახებ მიუღიაო. ახს. კ. ორაგველიძე უპასუხებს, რომ ამ აზრს იზიარებდა ის კონფერენციაზე, მარა უმრავლესობამ ხსენებული რეზოლიუცია მიიღო და მოვიწოდებთ თქვენც დაემორჩილოთ უმრავლესობის გადაწყვეტილებასო. კრება მოხსენებას ტაშის ცეშით ეგებება. ბიუროს მუშაობის შესახებ მოხსენება გააკეთა ახს. ე. ხუნდაძემ. შემდეგ მოხდა დამატებითი არჩევნები პასუხისმგებელ კორესპონდენტებისა. აირჩიეს ახს. ბ. გიორგაძე და ევ. ჭყონია. კორესპონდენტები აგზავნიან: წერილებს ახს. კ. ორაგველიძე—„ახალ კვალში“, ბ. გიორგაძე—„სოციალდემოკრატში“ და „ერთობაში“, ევ. ჭყონია—„ბორბაში“.

რამოდენიმე განცხადებების შემდეგ, რომელიც თურნალის და მეცადინეობის საქმეს ეხებოდა კრება დაიხურა.

ქ. ონიძე.

შეგოჭირულება.

„ახალი კვალი“-ს ფონდის გასაძლიერებლათ შემოსწირეს: 1) ყვირილის ახალგ. მარქ. ორგანიზაციამ პირველათ 30 მან., შემდეგ 100 მ. 2) ლანჩხუთის ორგანიზაციამ—101 მ. 3) ხონის ორგანიზაციამ—30 მ. 4) საბურთალოს სკენის მოყვარეთა წრემ „ამხანაგობამ“—35 მ. 5) ქ. რამიშვილმა ნაცნობებში შეგროვილი—124 მ. 6) ებ. რამიშვილმა ნაცნობებში შეგროვილი—200 მ. 7) ე. ახვლედიანმა—40 მ. 8) მიხ. დაფქვიანაშვილმა—40 მ. 9) ალ. ესაკიამ—40 მ. 10) ჩირახაძემ—20 მ. 11) პეტრო ტარასოვმა—10 მ. 12) 12. ე. ი.—5 მ. 50 კ. 13) ივ. ქაიხოსროშვილმა—5 მ. 14) ვ. რცხილაძემ (დურნოვომ)—10 მ.

რედაქტორ-გამომცემელი:

სარედაქციო კოლეგია.

598453
1918